

妙法蓮華經講表
(上)



《妙法蓮華經》講表目錄(上)

壹、教起因緣	2
貳、解釋經題	4
參、經文綱要	10
肆、修學宗旨	15
一、聖道門	15
(一) 安心——安住清淨心	15
(二) 觀心——觀照十如是	16
(三) 發心——發起菩提願	17
二、淨土門	18
(一) 堅固信願	18
(二) 圓滿佛號	21
伍、隨文釋義	22
甲一、通敘迹本二門(分二)	22
乙一、聞法時處	22
乙二、聞持之伴(分二)	22
丙一、廣列大眾(分三)	22
丁一、聲聞眾	22
丁二、菩薩眾	23
丁三、雜眾(分七)	24
戊一、諸天眾	24
戊二、龍王眾	24
戊三、緊那羅眾	24
戊四、乾闥婆眾	24

戊五、阿修羅眾	25
戊六、迦樓羅眾	25
戊七、人眾	25
丙二、總結眾集	25
甲二、別說迹本二門 <small>(分二)</small>	26
乙一、約迹門開權顯實 <small>(分三)</small>	26
丙一、敘說段 <small>(分五)</small>	26
丁一、眾集敘	26
丁二、現瑞敘 <small>(分二)</small>	26
戊一、此土六瑞 <small>(分六)</small>	26
己一、說法瑞	26
己二、入定瑞	26
己三、雨華瑞	26
己四、地動瑞	27
己五、眾喜瑞	27
己六、放光瑞	27
戊二、他土六瑞 <small>(分六)</small>	27
己一、見六趣瑞	27
己二、見諸佛瑞	27
己三、聞說法瑞	28
己四、見四眾得道瑞	28
己五、見菩薩行行瑞	28
己六、見諸佛涅槃瑞	28
丁三、疑念敘 <small>(分二)</small>	28
戊一、彌勒疑念	28
戊二、大眾疑念	29
丁四、發問敘 <small>(分二)</small>	29
戊一、長行	29

戊二、偈頌	(分二)	29
己一、頌上問	(分二)	29
庚一、問此土六瑞		29
庚二、問他土六瑞	(分六)	30
辛一、問六趣眾生		30
辛二、問見諸佛及聞說法		30
辛三、問他土四眾		30
辛四、結前啟後		31
辛五、問他土修菩薩行	(分三)	31
壬一、總問		31
壬二、次第問	(分六)	31
癸一、問施		31
癸二、問戒		32
癸三、問忍		32
癸四、問進		32
癸五、問禪		32
癸六、問慧		33
壬三、雜問	(分七)	33
癸一、問禪		33
癸二、問進		33
癸三、問戒		33
癸四、問忍		34
癸五、更問禪		34
癸六、問施		34
癸七、問慧		35
辛六、問他土供養舍利		35
己二、頌請答	(分二)	36
庚一、舉疑述請		36

庚二、釋四伏難	36
丁五、答問敘 <small>(分二)</small>	37
戊一、長行 <small>(分四)</small>	37
己一、惟忖答	37
己二、略舉曾見以答	37
己三、廣舉曾見以答 <small>(分三)</small>	37
庚一、引一佛同	37
庚二、引二萬佛同	38
庚三、引最後佛同 <small>(分三)</small>	38
辛一、曾見事與今已同	38
辛二、曾見事與今現同	38
辛三、曾見事與今當同 <small>(分五)</small>	39
壬一、因人說法同	39
壬二、時節同	39
壬三、唱滅同	39
壬四、授記同	40
壬五、滅後通經同	40
己四、分明判答	40
戊二、重頌	41
己一、頌廣舉曾見以答 <small>(分二)</small>	41
庚一、頌一佛同	41
庚二、頌最後佛同	41
辛一、頌曾見事與今已同	41
辛二、頌曾見事與今現同 <small>(分二)</small>	41
壬一、頌現瑞同 <small>(分二)</small>	41
癸一、頌此土六瑞同	41
癸二、頌他土六瑞同	42
壬二、頌疑念同	42

辛三、頌曾見事與今當同	43
<small>(分五)</small>	
壬一、頌因人說法同	43
壬二、頌時節同	43
壬三、頌唱滅同	43
壬四、頌授記同	44
壬五、頌滅後通經同	44
己二、頌分明判答	45
丙二、正說段	46
<small>(分二：自方便品至授學無學人記品)</small>	
丁一、略開三顯一以動執生疑	46
<small>(分二)</small>	
戊一、略開顯	46
<small>(分二)</small>	
己一、歎佛二智	46
<small>(分二)</small>	
庚一、長行	46
<small>(分二)</small>	
辛一、寄言歎二智	46
<small>(分二)</small>	
壬一、明諸佛權實	46
壬二、明釋迦權實	46
辛二、絕言歎二智	47
<small>(分二)</small>	
壬一、舉絕歎之由	47
壬二、正絕言讚歎	47
庚二、重頌	47
<small>(分二)</small>	
辛一、頌寄言歎二智	47
辛二、頌絕言歎二智	48
<small>(分三)</small>	
壬一、頌釋止歎意	48
壬二、正頌絕言歎	48
壬三、追頌絕言歎	49
己二、動執生疑	49
<small>(分二)</small>	
庚一、明諸佛顯實	49
庚二、明釋迦開三	49
戊二、騰疑請	49
<small>(分二)</small>	

己一、經家敘疑	49
己二、當機請決 <small>(分五)</small>	50
庚一、初請 <small>(分二)</small>	50
辛一、長行 <small>(分二)</small>	50
壬一、陳疑	50
壬二、陳請	50
辛二、重頌 <small>(分五)</small>	50
壬一、頌疑二智	50
壬二、頌三乘四眾疑	51
壬三、頌自疑	51
壬四、頌佛子疑	51
壬五、總明同疑致請	52
庚二、二止	52
庚三、二請	52
庚四、三止	52
庚五、三請	53
丁二、廣開三顯一以斷疑生信 <small>(分三)</small>	53
戊一、法說周 <small>(分五)</small>	53
己一、正說法要 <small>(分二)</small>	53
庚一、長行 <small>(分三)</small>	53
辛一、許說	53
辛二、受旨	54
辛三、正說 <small>(分二)</small>	54
壬一、明四佛章 <small>(分二)</small>	54
癸一、總明諸佛 <small>(分四)</small>	54
子一、歎法希有	54
子二、說無虛妄	54
子三、廣開方便	55

子四、顯示真實 (分三)	55
丑一、大事因緣	55
丑二、會權歸實	55
丑三、總結法要	56
癸二、列三世佛 (分二)	56
子一、別明三佛開權顯實 (分三)	56
丑一、明過去佛	56
丑二、明未來佛	56
丑三、明現在佛	56
子二、結示諸佛出世因緣	57
壬二、明釋迦佛章 (分五)	57
癸一、開方便為始	57
癸二、顯真實為終	57
癸三、舉五濁釋權	57
癸四、揀偽教敦信	58
癸五、佛言無虛妄	58
庚二、重頌 (分二)	59
辛一、頌上許答	59
辛二、頌上正說 (分二)	59
壬一、頌四佛章 (分四)	59
癸一、頌諸佛 (分五)	59
子一、頌施權	59
子二、頌顯實 (分二)	60
丑一、大事因緣	60
丑二、會權歸實	60
子三、頌勸信 (分二)	61
丑一、舉果勸信	61
丑二、舉因勸信	61

子四、舉五濁	(分四)	61
丑一、總標五濁障大		61
丑二、別明五濁障大		62
丑三、為五濁故說小		62
丑四、為大故施小		62
子五、頌不虛		62
癸二、頌過去佛		63
子一、略頌開顯		63
子二、廣頌開顯	(分二)	63
丑一、總明方便助顯		63
丑二、別示開顯之相	(分二)	63
寅一、約眾善顯緣因功德	(分七)	63
卯一、約六度法		63
卯二、約悲戀心		64
卯三、約供舍利		64
卯四、約造佛像		64
卯五、約畫佛像		65
卯六、約供塔像		65
卯七、約稱佛名		66
寅二、約聞經顯了因功德		66
癸三、頌未來佛	(分二)	66
子一、施權		66
子二、顯實		66
癸四、頌現在佛		67
壬二、頌釋迦佛章	(分二)	67
癸一、總頌權實二法		67
癸二、別頌開顯六義	(分六)	67
子一、頌五濁障重		67

子二、頌施設方便 _(分二)	68
丑一、念用大乘擬宜不得.....	68
丑二、念同諸佛三乘隨宜.....	68
子三、頌開顯真實.....	69
子四、頌歎法希有.....	70
子五、頌佛言不虛.....	70
子六、頌揀偽敦信.....	71
己二、身子領解 _(分二)	72
庚一、長行 _(分五)	72
辛一、聞法得解.....	72
辛二、昔日之失.....	72
辛三、昔日之疑.....	72
辛四、疑悔斷盡.....	73
辛五、領解信受.....	73
庚二、重頌 _(分二)	73
辛一、頌上述長行 _(分四)	73
壬一、頌聞法得解.....	73
壬二、頌昔失今得.....	73
壬三、頌昔疑今解.....	74
壬四、頌疑悔斷盡.....	74
辛二、頌領解前文 _(分二)	75
壬一、追敘疑悔.....	75
壬二、敘今領解.....	75
己三、如來述成 _(分三)	76
庚一、昔曾教大.....	76
庚二、中忘取小.....	76
庚三、還為說大.....	76
己四、與之授記 _(分二)	76

庚一、長行 ^(分八)	76
辛一、時節因果	76
辛二、國土莊嚴	77
辛三、說法教化	77
辛四、劫號名稱	77
辛五、菩薩眾數	77
辛六、壽量長短	78
辛七、轉記補處	78
辛八、法住久近	78
庚二、重頌 ^(分二)	79
辛一、頌上長行 ^(分五)	79
壬一、頌因行得果	79
壬二、頌劫名國土	79
壬三、頌眾數說法	79
壬四、頌壽量長短	79
壬五、頌法住久近	80
辛二、結示稱歎	80
己五、四眾歡喜 ^(分二)	80
庚一、長行 ^(分三)	80
辛一、敘眾歡喜	80
辛二、廣修供養	81
辛三、大眾領解	81
庚二、重頌 ^(分二)	81
辛一、頌開權顯實	81
辛二、述隨喜迴向	81
戊二、譬說周 ^(分四)	82
己一、開三顯一 ^(分二)	82
庚一、身子代請	82

庚二、如來垂答 _(分三)	82
辛一、抑揚發起	82
辛二、正說譬喻 _(分二)	83
壬一、長行 _(分二)	83
癸一、立喻 _(分二)	83
子一、總喻 _(分五)	83
丑一、長者喻	83
丑二、舍宅一門喻	83
丑三、五百人喻	83
丑四、火起喻	83
丑五、三十子喻	84
子二、別喻 _(分四)	84
丑一、長者見火喻	84
丑二、捨几用車喻 _(分二)	84
寅一、捨几喻 _(分二)	84
卯一、勸門擬宜不得	84
卯二、誠門擬宜不得	85
寅二、用車喻 _(分四)	85
卯一、擬宜三車喻	85
卯二、知子心所好喻	85
卯三、歎三車希有喻	85
卯四、適子所願喻	86
丑三、等賜大車喻 _(分四)	86
寅一、父見諸子免難歡喜喻	86
寅二、諸子索車喻	86
寅三、等賜諸子大車喻 _(分三)	86
卯一、標示車體	86
卯二、廣明車等	87

卯三、廣明心等	87
寅四、諸子得車歡喜喻	87
丑四、佛無虛妄喻 (分三)	88
寅一、垂問	88
寅二、回答	88
寅三、述歎	88
癸二、合法 (分二)	88
子一、合總喻	88
子二、合別喻 (分四)	89
丑一、合長者見火喻	89
丑二、合捨几用車喻 (分二)	90
寅一、合捨几	90
寅二、合用車 (分三)	90
卯一、合擬宜三車	90
卯二、合三車希有	90
卯三、合適子所願	91
丑三、合等賜大車喻 (分二)	92
寅一、雙牒二喻	92
寅二、雙合二喻	92
丑四、合無虛妄喻 (分二)	92
寅一、牒前譬喻	92
寅二、正合不虛	93
壬二、重頌 (分二)	93
癸一、頌立喻 (分二)	93
子一、頌總喻 (分三)	93
丑一、頌長者家宅喻	93
丑二、頌五百人喻	94
丑三、頌火起喻 (分四)	94

寅一、頌地上事喻欲界火起	(分四)	94
卯一、明所燒之類		94
卯二、明火起之由		95
卯三、明火起之勢		95
卯四、明被燒之相		96
寅二、頌穴中事喻色界火起	(分三)	96
卯一、明所燒之類		96
卯二、明火起之由		96
卯三、明被燒之相		97
寅三、頌穴外事喻無色界火起	(分二)	97
卯一、明所燒之類		97
卯二、明被燒之相		97
寅四、總結眾難非一		97
子二、頌別喻	(分三)	97
丑一、頌長者見火喻		97
丑二、頌捨几用車喻	(分二)	98
寅一、頌捨几		98
寅二、頌用車	(分三)	98
卯一、頌擬宜三車		98
卯二、頌三車希有		99
卯三、頌適子所願		99
丑三、頌等賜大車喻	(分四)	99
寅一、頌父見諸子免難歡喜喻		99
寅二、頌諸子索車喻		100
寅三、頌等賜諸子大車喻		100
寅四、頌諸子得車歡喜喻		101
癸二、頌合法	(分二)	101
子一、頌合總喻		101

子二、頌合別喻 ^(分四)	101
丑一、頌合長者見火	101
丑二、頌合捨几用車	102
丑三、頌合等賜大車	102
丑四、頌合佛言不虛 ^(分二)	103
寅一、總標不虛章門	103
寅二、別明不虛之義 ^(分三)	103
卯一、明皆是佛子理應平等	103
卯二、明不能受大乃說三乘	103
卯三、明後若堪受還與大法	104
辛三、勸信流通 ^(分二)	104
壬一、總標	104
壬二、別釋 ^(分二)	105
癸一、釋可說不可說	105
癸二、釋可通不可通 ^(分二)	105
子一、約大悲門莫為惡人說 ^(分四)	105
丑一、非機不解	105
丑二、謗毀業因	106
丑三、謗毀罪報	106
丑四、大悲莫說	108
子二、約大慈門應為善人說 ^(分二)	108
丑一、明五雙善人可為宣說 ^(分五)	108
寅一、過現一對	108
寅二、上下一對	109
寅三、內外一對	109
寅四、自他一對	109
寅五、始終一對	110
丑二、總結可說之相	110

己二、中根領解 <small>(分二)</small>	111
庚一、經家敘喜.....	111
庚二、自陳領解 <small>(分二)</small>	111
辛一、正陳得解 <small>(分二)</small>	111
壬一、長行 <small>(分二)</small>	111
癸一、法中略說 <small>(分二)</small>	111
子一、明昔日不求.....	111
子二、明今日慶得.....	112
癸二、喻中廣明 <small>(分二)</small>	112
子一、喻說 <small>(分四)</small>	112
丑一、父子相失喻 <small>(分四)</small>	112
寅一、子背父而逃.....	112
寅二、父求子中止.....	112
寅三、子遂到父城.....	113
寅四、其父心憂念.....	113
丑二、父子相見喻 <small>(分二)</small>	113
寅一、子見父.....	113
寅二、父見子.....	114
丑三、遣使追誘喻 <small>(分二)</small>	114
寅一、遣傍人追.....	114
寅二、遣二人誘.....	115
丑四、領付家業喻 <small>(分二)</small>	116
寅一、敕領家業.....	116
寅二、終付家財.....	117
子二、合法 <small>(分三)</small>	117
丑一、合父子相失相見.....	117
丑二、合追誘敕教取意.....	118
丑三、合領付家業歡喜.....	118

壬二、重頌 (分二)	119
癸一、頌立喻 (分四)	119
子一、頌父子相失	120
子二、頌父子相見	121
子三、頌追誘僱作	121
子四、頌領付家業	121
癸二、頌合法 (分二)	122
子一、頌合相失相見並追誘	122
子二、頌合領付家業心歡喜 (分二)	123
丑一、合領家業 (分二)	123
寅一、合受命領知	123
寅二、合心無希取	123
丑二、合付家財 (分二)	124
寅一、合付家財	124
寅二、合心歡喜	124
辛二、歎佛深恩 (分三)	125
壬一、歎佛大恩莫能報	125
壬二、歎佛實智不思議	126
壬三、歎佛權智得自在	126
己三、如來述成 (分二)	127
庚一、略述成	127
庚二、廣述成 (分二)	127
辛一、長行 (分二)	127
壬一、正明權實不可思議 (分三)	127
癸一、法說	127
癸二、立喻 (分二)	128
子一、明無差而差喻即實而權	128
子二、明差而無差喻即權而實	128

癸三、合法 ^(分二)	128
子一、合無差而差.....	128
子二、合差而無差.....	129
壬二、結歎述成.....	130
辛二、重頌 ^(分三)	130
壬一、頌法說.....	130
壬二、頌立喻 ^(分二)	131
癸一、頌無差而差.....	131
癸二、頌差而無差.....	132
壬三、頌合法 ^(分二)	132
癸一、頌合無差而差 ^(分三)	132
子一、頌合能潤.....	132
子二、頌合能生所生.....	133
子三、頌合能潤所潤 ^(分二)	133
丑一、頌合能潤.....	133
丑二、頌合所潤 ^(分二)	133
寅一、頌歡喜善利現世安隱.....	133
寅二、頌後生善處乃至漸得入道.....	134
癸二、頌合差而無差.....	135

《妙法蓮華經》講表(上)



《妙法蓮華經》講表(上)

◎將述本經，大分為六：

壹、教起因緣

貳、解釋經題

參、經文綱要


肆、修學宗旨

伍、隨文釋義

陸、結示勸修

今初。

壹、教起因緣：



三、結示

「凡此諸經，皆是逗會他意，令他得益，不談佛意趣何之！」

「當知此經，唯論設教大綱，不委微細綱目，譬如算者，初下後除，紀定大數，不存斗斛。祇為深論佛教妙說聖心，近會圓因，遠申本果。」

「所以疑請不已，若能精知教相，則識如來權實二智也」

——《妙玄節要》——

四、「般若時」

廣會一切法
入摩訶行道
譬如禺中

頓根明「共般若」
利根悟「不共般若」

五、「法華時」

深明如來——設教之始終
具發如來——本迹之廣遠
譬如正午，大地普照
約化儀名——會漸歸頓
約化法名——純圓獨妙

出世本懷
究竟極談
皆得作佛

貳、解釋經題：

(一) 總解：

一、「妙法」

相待論妙

「三藏但半字生滅門，不能通滿理為粗，滿字是不生不滅門，能通滿理故妙。」


「方等、般若、帶方便通滿理故粗，今經直顯滿理故妙。」

絕待論妙

「說無分別法，即邊而中，無非佛法，亡泯清淨，無復有法，可相形比，待誰為粗，形誰為妙，無所可待，亦無可絕，不知何名，強言為絕妙。」


——《妙法蓮華經論貫》——

二、「蓮華」



—《妙法蓮華經玄贊》—

(二) 別解：



「是以蕩化城之執教，廢草庵之滯情；開方便之權門，示真實之妙理；會眾善之小行，歸廣大之一乘；上中下根，皆與記別。」

「又發眾聖之權巧，顯本地之幽微，故增道損生，位鄰大覺。」


「一期化導，事理俱圓，蓮華之譬，意在斯矣！」

◎「妙法」

一、「佛法妙」——經云：「是法甚深妙，難見難可了，一切眾生類，無能知佛者。」又云：「及佛諸餘法，亦無能測者。」故佛法妙也。

二、「眾生法妙」——經云：「為令眾生，開示悟入佛之知見。」若眾生無佛知見，何所論開？當知佛之知見，蘊在眾生。故眾生法妙。

三、「心法妙」——經云：「修攝其心，觀一切法不動不退。」淨名云：「諸佛解脫，當於眾生心行中求。」華嚴云：「心佛及眾生，是三無差別。」故心法妙也。



「此經明九種相性皆入即空即假即中，汝實我子，我實汝父，一色一味，純是佛法，更無餘法，故知佛界最為無上。復次餘經、所明九相性不得入佛相性即空即假即中者，此經皆開方便，普令得入。又按其相性即是即空即假即中，不論引入。是故如來殷勤稱歎此《法華經》最為無上，意在此也。」

參、經文綱要：

(一) 總標


「經文二十八品，智者大師分為三分；初品為序。方便品訖分別功德品十九行偈，凡十五品半，名正宗。從偈後盡經凡十一品半名流通。」

「又一時分為二，從序至安樂行十四品約迹開權顯實；從湧出訖經十四品約本開近顯遠。」

「本迹各序正流通：初品為序，方便訖授學無學人記品為正；法師訖安樂行為流通。」

「湧出訖彌勒已問斯事，佛今答之，半品為序，從佛告阿逸多下，訖分別功德品偈為正，此後盡經為流通。」

(二) 別明：



七、化城喻品

八、五百弟子授記品

九、授學無學人記品

十、法師品

十一、見寶塔品

十二、提婆達多品

十三、勸持品

十四、安樂行品

十五、從地湧出品

因緣說一周

迹門流通分

序分

別序本門

開近顯遠

十六、如來壽量品

本門正宗分

十七、分別功德品

十八、隨喜功德品

勸持流通——本門流通分

十九、法師功德品

二十、常不輕菩薩品

二十一、如來神力品

二十二、囑累品

二十三、藥王菩薩本事品

二十四、妙音菩薩品

付囑流通——迹本二門流通分

二十五、觀世音菩薩普門品
二十六、陀羅尼品
二十七、妙莊嚴王本事品
二十八、普賢菩薩勸發品

(三) 結示：

一、此經始從序品訖安樂行品，破廢方便，開顯真實佛之知見，亦明弟子實因實果，亦明師門權因權果。文義雖廣，撮其樞要，為成弟子實因，因正果傍，故於前段明迹因迹果也。


二、「從湧出品訖勸發品，發迹顯本，廢方便之近壽，明長遠之實果。亦明弟子實因實果，亦明師門權因權果，而顯師之實果，果正因傍，故於後段明本因果也。」

——《妙玄節要》——

肆、修學宗旨：


一、聖道門：

(一) 安心——安住清淨心：




(二) 觀心——觀照十如是

一、「心即實相，初觀為因，觀成為果，以觀心故，惡覺不起，心數塵勞，若同若異，皆被化而轉，是為觀心。」



三、「方便品長行略說此法，後開示悟入廣說此法，火宅譬喻此法，信解領解此法，長者付子此法，藥草述成此法，化城引入此法。如是等種種，祇名十如權實法耳。」


(三) 發心——發起菩提願：



二、淨土門：

(一) 堅固信願：

⊖ 心性本具：



結勸

當知

離卻現前一念「無量光壽之心」——何處有「阿彌陀佛名號」

而離卻「阿彌陀佛名號」——何由徹證現前一念「無量光壽之心」

願深思之，願深思之！

——《阿彌陀經要解》——

② 隨緣顯現

約佛釋

明上

住處

生處

種種莊嚴，皆是阿彌陀佛

大願


大行

稱性功德之所成就故能

遍嚴四種淨土

普攝十方三世一切凡聖

令往生也。



《阿彌陀經要解》

(二) 圓滿佛號

問——西方去此十萬億土，何得即生？

十萬億土，不出我現前一念心性之外，以心性本無外故。又仗自心之佛力接引，何難即生？

如鏡中照數十層山水樓閣

層數宛然——實無遠近。

一照俱了——見無先後。

答

從是西方過十萬億佛土，有世界名曰極樂——亦如是

其土有佛，號阿彌陀，今現在說法——亦如是

其人臨命終時，阿彌陀佛與諸聖眾現在其前

亦如是

是人終時心不顛倒，即得往生阿彌陀佛極樂國土

當知字字皆

海印三昧

大圓鏡智


之靈文也。

妙法蓮華經 卷一

序品第一



伍、隨文釋義



今初。

甲一、通敘迹本二門 (分二)

乙一、聞法時處

如是我聞，一時，佛住王舍城耆闍崛山中。

乙二、聞持之伴 (分二)

丙一、廣列大眾 (分三)

丁一、聲聞眾

與大比丘眾萬二千人俱。皆是阿羅漢，諸漏已盡，逮得己利，盡諸有結，心得自在。其名曰：阿若憍陳如、摩訶迦葉、優樓頻螺迦葉、伽耶迦葉、那提迦葉、舍利弗

、大目犍連、摩訶迦旃延、阿菟樓駄、劫賓那、憍梵波提、離婆多、畢陵伽婆蹉、薄拘羅、摩訶拘絺羅、難陀、孫陀羅難陀、富樓那彌多羅尼子、須菩提、阿難、羅睺羅，如是眾所知識大阿羅漢等。復有學、無學二千人。摩訶波闍波提比丘尼，與眷屬六千人俱。羅睺羅母耶輸陀羅比丘尼，亦與眷屬俱。

丁二、菩薩眾

菩薩摩訶薩八萬人。皆於阿耨多羅三藐三菩提不退轉，皆得陀羅尼，樂說辯才，轉不退轉法輪，供養無量百千諸佛，於諸佛所植眾德本；常為諸佛之所稱歎。以慈修身，善入佛慧，通達大智，到於彼岸，名稱普聞無量世界，能度無數百千眾生。其名曰：文殊師利菩薩、觀世音菩薩、得大勢菩薩、常精進菩薩、不休息菩薩、寶掌菩薩、藥王菩薩、勇施菩薩、寶月菩薩、月光菩薩、滿月菩薩、大力菩薩、無量力菩薩、越三界菩薩、跋陀婆羅菩薩、彌勒菩薩、寶積菩薩、導師菩薩，如是等菩薩摩訶薩八萬人俱。

丁三、雜眾（分七）

戊一、諸天眾

爾時，釋提桓因與其眷屬二萬天子俱。復有明月天子、普香天子、寶光天子、四大天王，與其眷屬萬天子俱。自在天子、大自在天子，與其眷屬三萬天子俱。娑婆世界主梵天王、尸棄大梵、光明大梵等，與其眷屬萬二千天子俱。

戊二、龍王眾

有八龍王：難陀龍王、跋難陀龍王、娑伽羅龍王、和修吉龍王、德叉迦龍王、阿那婆達多龍王、摩那斯龍王、優鉢羅龍王等，各與若干百千眷屬俱。

戊三、緊那羅眾

有四緊那羅王：法緊那羅王、妙法緊那羅王、大法緊那羅王、持法緊那羅王，各與若干百千眷屬俱。

戊四、乾闥婆眾

有四乾闥婆王：樂乾闥婆王、樂音乾闥婆王、美乾闥婆王、美音乾闥婆王，各與若干百千眷屬俱。

戊五、阿修羅眾

有四阿修羅王：婆稚阿修羅王、佉羅騫馱阿修羅王、毘摩質多羅阿修羅王、羅睺阿修羅王，各與若干百千眷屬俱。

戊六、迦樓羅眾

有四迦樓羅王：大威德迦樓羅王、大身迦樓羅王、大滿迦樓羅王、如意迦樓羅王，各與若干百千眷屬俱。

戊七、人眾

韋提希子阿闍世王，與若干百千眷屬俱。

丙二、總結眾集

各禮佛足，退坐一面。

甲二、別說迹本二門(分二)

乙一、約迹門開權顯實(分三)

丙一、敘說段(分五)

丁一、眾集敘

爾時世尊，四眾圍遶，供養恭敬，尊重讚歎。

丁二、現瑞敘(分二)

戊一、此土六瑞(分六)

己一、說法瑞

為諸菩薩說大乘經，名無量義，教菩薩法，佛所護念。

己二、入定瑞

佛說此經已，結跏趺坐，入於無量義處三昧，身心不動。

己三、雨華瑞

是時，天雨曼陀羅華、摩訶曼陀羅華、曼殊沙華、摩訶曼殊沙華，而散佛上、及諸大眾。

己四、地動瑞

普佛世界，六種震動。

己五、眾喜瑞

爾時，會中比丘、比丘尼，優婆塞、優婆夷，天、龍、夜叉、乾闥婆、阿修羅、迦樓羅、緊那羅、摩睺羅伽、人非人，及諸小王、轉輪聖王，是諸大眾，得未曾有，歡喜合掌，一心觀佛。

己六、放光瑞

爾時，佛放眉間白毫相光，照東方萬八千世界，靡不周遍。

戊二、他土六瑞(分六)

己一、見六趣瑞

下至阿鼻地獄，上至阿迦尼吒天。於此世界，盡見彼土六趣眾生。

己二、見諸佛瑞

又見彼土，現在諸佛；

己三、聞說法瑞

及聞諸佛所說經法；

己四、見四眾得道瑞

並見彼諸比丘、比丘尼，優婆塞、優婆夷，諸修行得道者。

己五、見菩薩行行瑞

復見諸菩薩摩訶薩，種種因緣、種種信解、種種相貌，行菩薩道。

己六、見諸佛涅槃瑞

復見諸佛般涅槃者；復見諸佛般涅槃後，以佛舍利起七寶塔。

丁三、疑念敘(分二)

戊一、彌勒疑念

爾時，彌勒菩薩作是念：今者世尊現神變相，以何因緣而有此瑞？今佛世尊入於三昧，是不可思議，現稀有事，當以問誰？誰能答者？復作此念：是文殊師利法王子，已曾親近供養過去無量諸佛，必應見此稀有之相，我今當問。

戊二、大眾疑念

爾時比丘、比丘尼，優婆塞、優婆夷，及諸天龍鬼神等，咸作此念：是佛光明神通之相，今當問誰？

丁四、發問敘(分二)

戊一、長行

爾時，彌勒菩薩欲自決疑；又觀四眾比丘、比丘尼，優婆塞、優婆夷，及諸天龍鬼神等，眾會之心。而問文殊師利言：以何因緣而有此瑞，神通之相，放大光明，照於東方萬八千土，悉見彼佛國界莊嚴？

戊二、偈頌(分二)

己一、頌上問(分二)

庚一、問此土六瑞

於是彌勒菩薩欲重宣此義，以偈問曰：

文殊師利 導師何故 眉間白毫 大光普照

雨曼陀羅 曼殊沙華 栴檀香風 悅可眾心

以是因緣 地皆嚴淨 而此世界 六種震動
時四部眾 咸皆歡喜 身意快然 得未曾有

庚二、問他土六瑞 (分六)

辛一、問六趣眾生

眉間光明 照於東方 萬八千土 皆如金色
從阿鼻獄 上至有頂 諸世界中 六道眾生
生死所趣 善惡業緣 受報好醜 於此悉見

辛二、問見諸佛及聞說法

又睹諸佛 聖主師子 演說經典 微妙第一
其聲清淨 出柔軟音 教諸菩薩 無數億萬
梵音深妙 令人樂聞 各於世界 講說正法
種種因緣 以無量喻 照明佛法 開悟眾生

辛三、問他土四眾

若人遭苦 厭老病死 為說涅槃 盡諸苦際

若人有福 曾供養佛 志求勝法 為說緣覺
若有佛子 修種種行 求無上慧 為說淨道

辛四、結前啟後

文殊師利 我住於此 見聞若斯 及千億事
如是眾多 今當略說

辛五、問他土修菩薩行(分三)

壬一、總問

我見彼土 恆沙菩薩 種種因緣 而求佛道

壬二、次第問(分六)

癸一、問施

或有行施 金銀珊瑚 真珠摩尼 碑磔瑪瑙
金剛諸珍 奴婢車乘 寶飾輦輿 歡喜布施
回向佛道 願得是乘 三界第一 諸佛所歎

或有菩薩 駟馬寶車 欄楯華蓋 軒飾布施
復見菩薩 身肉手足 及妻子施 求無上道
又見菩薩 頭目身體 欣樂施與 求佛智慧

癸二、問戒

文殊師利 我見諸王 往詣佛所 問無上道
便捨樂土 宮殿臣妾 剃除鬚髮 而被法服

癸三、問忍

或見菩薩 而作比丘 獨處閒靜 樂誦經典

癸四、問進

又見菩薩 勇猛精進 入於深山 思惟佛道

癸五、問禪

又見離欲 常處空閒 深修禪定 得五神通
又見菩薩 安禪合掌 以千萬偈 讚諸法王

癸六、問慧

復見菩薩 智深志固 能問諸佛 聞悉受持
又見佛子 定慧具足 以無量喻 為眾講法
欣樂說法 化諸菩薩 破魔兵眾 而擊法鼓

壬三、雜問(分七)

癸一、問禪

又見菩薩 寂然宴默 天龍恭敬 不以為喜
又見菩薩 處林放光 濟地獄苦 令入佛道

癸二、問進

又見佛子 未嘗睡眠 經行林中 勤求佛道

癸三、問戒

又見具戒 威儀無缺 淨如寶珠 以求佛道

癸四、問忍

又見佛子 住忍辱力 增上慢人 惡罵捶打
皆悉能忍 以求佛道

癸五、更問禪

又見菩薩 離諸戲笑 及癡眷屬 親近智者
一心除亂 攝念山林 億千萬歲 以求佛道

癸六、問施

或見菩薩 餽膳飲食 百種湯藥 施佛及僧
名衣上服 價值千萬 或無價衣 施佛及僧
千萬億種 栴檀寶舍 眾妙臥具 施佛及僧
清淨園林 華果茂盛 流泉浴池 施佛及僧
如是等施 種種微妙 歡喜無厭 求無上道

癸七、問慧

或有菩薩 說寂滅法 種種教詔 無數眾生
或見菩薩 觀諸法性 無有二相 猶如虛空
又見佛子 心無所著 以此妙慧 求無上道

辛六、問他土供養舍利

文殊師利 又有菩薩 佛滅度後 供養舍利
又見佛子 造諸塔廟 無數恆沙 嚴飾國界
寶塔高妙 五千由旬 縱廣正等 二千由旬
一一塔廟 各千幢幡 珠交露幔 寶鈴和鳴
諸天龍神 人及非人 香華伎樂 常以供養
文殊師利 諸佛子等 為供舍利 嚴飾塔廟
國界自然 殊特妙好 如天樹王 其華開敷

己二、頌請答（分二）

庚一、舉疑述請

佛放一光	我及眾會	見此國界	種種殊妙
諸佛神力	智慧稀有	放一淨光	照無量國
我等見此	得未曾有	佛子文殊	願決眾疑

庚二、釋四伏難

四眾欣仰	瞻仁及我	世尊何故	放斯光明
佛子時答	決疑令喜	何所饒益	演斯光明
佛坐道場	所得妙法	為欲說此	為當授記
示諸佛土	眾寶嚴淨	及見諸佛	此非小緣
文殊當知	四眾龍神	瞻察仁者	為說何等

丁五、答問敘(分二)

戊一、長行(分四)

己一、惟忖答

爾時，文殊師利語彌勒菩薩摩訶薩，及諸大士：善男子等！如我惟忖，今佛世尊欲說大法，雨大法雨，吹大法螺，擊大法鼓，演大法義。

己二、略舉曾見以答

諸善男子！我於過去諸佛，曾見此瑞，放斯光已，即說大法。是故當知今佛現光，亦復如是；欲令眾生，咸得聞知一切世間難信之法，故現斯瑞。

己三、廣舉曾見以答(分三)

庚一、引一佛同

諸善男子！如過去無量無邊不可思議阿僧祇劫，爾時有佛，號日月燈明如來，應供、正遍知、明行足、善逝、世間解、無上士、調御丈夫、天人師、佛、世尊。演說正法，初善、中善、後善，其義深遠，其語巧妙，純一無雜，具足清白梵行之相。為求聲聞者，說應四諦法；度生老病死，究竟涅槃。為求辟支佛者，說應十二因緣法。為諸菩薩，說應六波羅蜜；令得阿耨多羅三藐三菩提，成一切種智。

庚二、引二萬佛同

次復有佛，亦名日月燈明。次復有佛，亦名日月燈明。如是二萬佛皆同一字，號日月燈明，又同一姓，姓頗羅墮。彌勒當知！初佛後佛，皆同一字，名日月燈明；十號具足，所可說法，初中後善。

庚三、引最後佛同 (分三)

辛一、曾見事與今已同

其最後佛未出家時，有八王子：一名有意，二名善意，三名無量意，四名寶意，五名增意，六名除疑意，七名響意，八名法意；是八王子，威德自在，各領四天下。是諸王子，聞父出家，得阿耨多羅三藐三菩提；悉捨王位，亦隨出家，發大乘意，常修梵行，皆為法師，已於千萬佛所，植諸善本。

辛二、曾見事與今現同

是時，日月燈明佛說大乘經，名無量義，教菩薩法，佛所護念。說是經已，即於大眾中結跏趺坐，入於無量義處三昧，身心不動。是時，天雨曼陀羅華、摩訶曼陀羅華、曼殊沙華、摩訶曼殊沙華，而散佛上，及諸大眾；普佛世界，六種震動。爾時會中，比丘、比丘尼，優婆塞、優婆夷，天、龍、夜叉、乾闥婆、阿

修羅、迦樓羅、緊那羅、摩睺羅伽、人非人，及諸小王、轉輪聖王等，是諸大眾得未曾有，歡喜合掌，一心觀佛。爾時，如來放眉間白毫相光，照東方萬八千佛土，靡不周遍；如今所見，是諸佛土。彌勒當知！爾時會中有二十億菩薩樂欲聽法，是諸菩薩見此光明普照佛土，得未曾有，欲知此光所為因緣？

辛三、曾見事與今當同 (分五)

壬一、因人說法同

時有菩薩名曰妙光，有八百弟子。是時日月燈明佛從三昧起；因妙光菩薩說大乘經，名妙法蓮華，教菩薩法，佛所護念。

壬二、時節同

六十小劫，不起於座。時會聽者，亦坐一處，六十小劫，身心不動，聽佛所說，謂如食頃；是時眾中，無有一人，若身若心而生懈倦。

壬三、唱滅同

日月燈明佛於六十小劫，說是經已；即於梵、魔、沙門、婆羅門，及天、人、阿修羅眾中，而宣此言：如來於今日中夜，當入無餘涅槃。

壬四、授記同

時有菩薩名曰德藏，日月燈明佛即授其記，告諸比丘：是德藏菩薩次當作佛，號曰淨身，多陀阿伽度阿羅訶三藐三佛陀。

壬五、滅後通經同

佛授記已，便於中夜，入無餘涅槃。佛滅度後，妙光菩薩持妙法蓮華經，滿八十小劫，為人演說。日月燈明佛八子，皆師妙光；妙光教化，令其堅固阿耨多羅三藐三菩提。是諸王子，供養無量百千萬億佛已，皆成佛道；其最後成佛者，名曰然燈。八百弟子中有一人，號曰求名，貪著利養；雖復讀誦眾經而不通利，多所忘失，故號求名。是人亦以種諸善根因緣故，得值無量百千萬億諸佛，供養恭敬，尊重讚歎。彌勒當知！爾時妙光菩薩豈異人乎？我身是也。求名菩薩，汝身是也。

己四、分明判答

今見此瑞與本無異，是故惟忖：今日如來當說大乘經，名妙法蓮華，教菩薩法，佛所護念。

戊二、重頌

己一、頌廣舉曾見以答(分二)

庚一、頌一佛同

爾時，文殊師利於大眾中，欲重宣此義，而說偈言：
我念過去世 無量無數劫 有佛人中尊 號日月燈明
世尊演說法 度無量眾生 無數億菩薩 令入佛智慧

庚二、頌最後佛同

辛一、頌曾見事與今已同

佛未出家時 所生八王子 見大聖出家 亦隨修梵行

辛二、頌曾見事與今現同(分二)

壬一、頌現瑞同(分二)

癸一、頌此土六瑞同

時佛說大乘	經名無量義	於諸大眾中	而為廣分別
佛說此經已	即於法座上	跏趺坐三昧	名無量義處
天雨曼陀華	天鼓自然鳴	諸天龍鬼神	供養人中尊
一切諸佛土	即時大震動	佛放眉間光	現諸稀有事

癸二、頌他土六瑞同

此光照東方	萬八千佛土	示一切眾生	生死業報處
有見諸佛土	以眾寶莊嚴	琉璃玻瓈色	斯由佛光照
及見諸天人	龍神夜叉眾	乾闥緊那羅	各供養其佛
又見諸如來	自然成佛道	身色如金山	端嚴甚微妙
如淨琉璃中	內現真金像	世尊在大眾	敷演深法義
一一諸佛土	聲聞眾無數	因佛光所照	悉見彼大眾
或有諸比丘	在於山林中	精進持淨戒	猶如護明珠
又見諸菩薩	行施忍辱等	其數如恆沙	斯由佛光照
又見諸菩薩	深入諸禪定	身心寂不動	以求無上道
又見諸菩薩	知法寂滅相	各於其國土	說法求佛道

壬二、頌疑念同

爾時四部眾	見日月燈佛	現大神通力	其心皆歡喜
各各自相問	是事何因緣		

辛三、頌曾見事與今當同(分五)

壬一、頌因人說法同

天人所奉尊	適從三昧起	讚妙光菩薩	汝為世間眼
一切所歸信	能奉持法藏	如我所說法	唯汝能證知
世尊既讚歎	令妙光歡喜	說是法華經	

壬二、頌時節同

滿六十小劫	不起於此座	所說上妙法
是妙光法師	悉皆能受持	

壬三、頌唱滅同

佛說是法華	令眾歡喜已	尋即於是日	告於天人眾
諸法實相義	已為汝等說	我今於中夜	當入於涅槃
汝一心精進	當離於放逸	諸佛甚難值	億劫時一遇
世尊諸子等	聞佛入涅槃	各各懷悲惱	佛滅一何速
聖主法之王	安慰無量眾	我若滅度時	汝等勿憂怖

壬四、頌授記同

是德藏菩薩 於無漏實相 心已得通達
其次當作佛 號曰為淨身 亦度無量眾

壬五、頌滅後通經同

佛此夜滅度 如薪盡火滅 分布諸舍利 而起無量塔
比丘比丘尼 其數如恆沙 倍復加精進 以求無上道
是妙光法師 奉持佛法藏 八十小劫中 廣宣法華經
是諸八王子 妙光所開化 堅固無上道 當見無數佛
供養諸佛已 隨順行大道 相繼得成佛 轉次而授記
最後天中天 號曰燃燈佛 諸仙之導師 度脫無量眾
是妙光法師 時有一弟子 心常懷懈怠 貪著於名利
求名利無厭 多遊族姓家 棄捨所習誦 廢忘不通利
以是因緣故 號之為求名 亦行眾善業 得見無數佛
供養於諸佛 隨順行大道 具六波羅蜜 今見釋師子

其後當作佛 號名曰彌勒 廣度諸眾生 其數無有量
彼佛滅度後 懈怠者汝是 妙光法師者 今則我身是

己二、頌分明判答

我見燈明佛 本光瑞如此 以是知今佛 欲說法華經
今相如本瑞 是諸佛方便 今佛放光明 助發實相義
諸人今當知 合掌一心待 佛當雨法雨 充足求道者
諸求三乘人 若有疑悔者 佛當為除斷 令盡無有餘

妙法蓮華經 卷一

方便品第二



丙二、正說段

(分二：自方便品至授學無學人記品)

丁一、略開三顯一以動執生疑

(分二)

戊一、略開顯

(分二)

己一、歎佛二智

(分二)

庚一、長行

(分二)

辛一、寄言歎二智

(分二)

壬一、明諸佛權實

爾時，世尊從三昧安詳而起，告舍利弗：諸佛智慧甚深無量，其智慧門，難解難入，一切聲聞、辟支佛所不能知。所以者何？佛曾親近百千萬億無數諸佛，盡行諸佛無量道法，勇猛精進，名稱普聞；成就甚深未曾有法，隨宜所說，意趣難解。

壬二、明釋迦權實

舍利弗！吾從成佛以來，種種因緣，種種譬喻，廣演言教，無數方便引導眾生，令離諸著。所以者何？如來方便知見波羅蜜，皆已具足。舍利弗！如來知見，廣大深遠，無量無礙，力無所畏；禪定解脫三昧，深入無際，成就一切未曾有法。

辛二、絕言歎二智(分二)

壬一、舉絕歎之由

舍利弗！如來能種種分別，巧說諸法，言辭柔軟，悅可眾心。舍利弗！取要言之，無量無邊未曾有法，佛悉成就。

壬二、正絕言讚歎

止！舍利弗！不須復說。所以者何？佛所成就第一稀有難解之法，唯佛與佛乃能究盡諸法實相；所謂諸法，如是相、如是性、如是體、如是力、如是作、如是因、如是緣、如是果、如是報、如是本末究竟等。

庚二、重頌(分二)

辛一、頌寄言歎二智

爾時，世尊欲重宣此義，而說偈言：

世雄不可量	諸天及世人	一切眾生類	無能知佛者
佛力無所畏	解脫諸三昧	及佛諸餘法	無能測量者
本從無數佛	具足行諸道	甚深微妙法	難見難可了
於無量億劫	行此諸道已	道場得成果	我已悉知見

辛二、頌絕言歎二智(分三)

壬一、頌釋止歎意

如是大果報 種種性相義 我及十方佛 乃能知是事

壬二、正頌絕言歎

是法不可示	言辭相寂滅	諸餘眾生類	無有能得解
除諸菩薩眾	信力堅固者	諸佛弟子眾	曾供養諸佛
一切漏已盡	住是最後身	如是諸人等	其力所不堪
假使滿世間	皆如舍利弗	盡思共度量	不能測佛智
正使滿十方	皆如舍利弗	及餘諸弟子	亦滿十方剎
盡思共度量	亦復不能知	辟支佛利智	無漏最後身
亦滿十方界	其數如竹林	斯等共一心	於億無量劫
欲思佛實智	莫能知少分	新發意菩薩	供養無數佛
了達諸義趣	又能善說法	如稻麻竹葦	充滿十方剎
一心以妙智	於恆河沙劫	咸皆共思量	不能知佛智
不退諸菩薩	其數如恆沙	一心共思求	亦復不能知

壬三、追頌絕言歎

又告舍利弗 無漏不思議 甚深微妙法 我今已具得
唯我知是相 十方佛亦然

己二、動執生疑(分二)

庚一、明諸佛顯實

舍利弗當知 諸佛語無異 於佛所說法 當生大信力
世尊法久後 要當說真實

庚二、明釋迦開三

告諸聲聞眾 及求緣覺乘 我令脫苦縛 逮得涅槃者
佛以方便力 示以三乘教 眾生處處著 引之令得出

戊二、騰疑請(分二)

己一、經家敘疑

爾時，大眾中有諸聲聞、漏盡阿羅漢，阿若憍陳如等千二百人；及發聲聞辟支佛心，比丘、比丘尼、優婆塞、優婆夷，各作是念：今者世尊，何故殷勤稱歎

方便，而作是言。佛所得法，甚深難解，有所言說，意趣難知，一切聲聞、辟支佛所不能及。佛說一解脫義，我等亦得此法到於涅槃，而今不知是義所趣。

己二、當機請決(分五)

庚一、初請(分二)

辛一、長行(分二)

壬一、陳疑

爾時，舍利弗知四眾心疑，自亦未了，而白佛言：世尊！何因何緣，殷勤稱歎諸佛第一方便，甚深微妙難解之法？

壬二、陳請

我自昔來，未曾從佛聞如是說；今者，四眾咸皆有疑。惟願世尊，敷演斯事。世尊何故，殷勤稱歎甚深微妙難解之法？

辛二、重頌(分五)

壬一、頌疑二智

爾時，舍利弗欲重宣此義，而說偈言：

慧日大聖尊 久乃說是法
自說得如是 力無畏三昧 禪定解脫等 不可思議法
道場所說法 無能發問者 我意難可測 亦無能問者
無問而自說 稱歎所行道 智慧甚微妙 諸佛之所得

壬二、頌三乘四眾疑

無漏諸羅漢 及求涅槃者 今皆墮疑網 佛何故說是
其求緣覺者 比丘比丘尼 諸天龍鬼神 及乾闥婆等
相視懷猶豫 瞻仰兩足尊 是事為云何 願佛為解說

壬三、頌自疑

於諸聲聞眾 佛說我第一 我今自於智 疑惑不能了
為是究竟法 為是所行道

壬四、頌佛子疑

佛口所生子 合掌瞻仰待 願出微妙音 時為如實說

壬五、總明同疑致請

諸天龍神等 其數如恆沙 求佛諸菩薩 大數有八萬
又諸萬億國 轉輪聖王至 合掌以敬心 欲聞具足道

庚二、二止

爾時，佛告舍利弗：止！止！不須復說；若說是事，一切世間諸天及人，皆當驚疑。

庚三、二請

舍利弗重白佛言：世尊！惟願說之！惟願說之！所以者何？是會無數百千萬億阿僧祇眾生，曾見諸佛，諸根猛利，智慧明了，聞佛所說，則能敬信。爾時，舍利弗欲重宣此義，而說偈言：

法王無上尊 惟說願勿慮 是會無量眾 有能敬信者

庚四、三止

佛復止舍利弗：若說是事，一切世間天人阿修羅，皆當驚疑；增上慢比丘，將墜於大坑。爾時，世尊重說偈言：

止止不須說 我法妙難思 諸增上慢者 聞必不敬信

庚五、三請

爾時，舍利弗重白佛言：世尊！惟願說之！惟願說之！今此會中，如我等比，百千萬億，世世已曾從佛受化；如此人等必能敬信，長夜安隱，多所饒益。爾時，舍利弗欲重宣此義，而說偈言：

無上兩足尊	願說第一法	我為佛長子	惟垂分別說
是會無量眾	能敬信此法	佛已曾世世	教化如是等
皆一心合掌	欲聽受佛語	我等千二百	及餘求佛者
願為此眾故	惟垂分別說	是等聞此法	則生大歡喜

丁二、廣開三顯一以斷疑生信 (分三)

戊一、法說周 (分五)

己一、正說法要 (分二)

庚一、長行 (分三)

辛一、許說

爾時，世尊告舍利弗：汝已殷勤三請，豈得不說。汝今諦聽，善思念之，

吾當為汝分別解說。說此語時，會中有比丘、比丘尼、優婆塞、優婆夷五千人等，即從座起，禮佛而退。所以者何？此輩罪根深重，及增上慢，未得謂得，未證謂證，有如此失，是以不住。世尊默然而不制止。爾時，佛告舍利弗：我今此眾，無復枝葉，純有真實。舍利弗！如是增上慢人，退亦佳矣！汝今善聽，當為汝說。

辛二、受旨

舍利弗言：唯然，世尊！願樂欲聞。

辛三、正說 (分二)

壬一、明四佛章 (分二)

癸一、總明諸佛 (分四)

子一、歎法希有

佛告舍利弗：如是妙法，諸佛如來時乃說之；如優曇鉢華，時一現耳。

子二、說無虛妄

舍利弗！汝等當信佛之所說，言不虛妄。

子三、廣開方便

舍利弗！諸佛隨宜說法，意趣難解。所以者何？我以無數方便、種種因緣、譬喻言辭，演說諸法；是法，非思量分別之所能解，唯有諸佛乃能知之。

子四、顯示真實（分三）

丑一、大事因緣

所以者何？諸佛世尊，唯以一大事因緣故，出現於世。舍利弗！云何名諸佛世尊，唯以一大事因緣故，出現於世？諸佛世尊，欲令眾生開佛知見，使得清淨故，出現於世；欲示眾生佛之知見故，出現於世；欲令眾生悟佛知見故，出現於世；欲令眾生入佛知見道故，出現於世。舍利弗！是為諸佛以一大事因緣故，出現於世。

丑二、會權歸實

佛告舍利弗：諸佛如來，但教化菩薩，諸有所作，常為一事，唯以佛之知見，示悟眾生。

舍利弗！如來但以一佛乘故，為眾生說法，無有餘乘，若二若三。

丑三、總結法要

舍利弗！一切十方諸佛，法亦如是。

癸二、列三世佛（分二）

子一、別明三佛開權顯實（分三）

丑一、明過去佛

舍利弗！過去諸佛，以無量無數方便、種種因緣、譬喻言辭，而為眾生演說諸法，是法皆為一佛乘故。是諸眾生，從諸佛聞法，究竟皆得一切種智。

丑二、明未來佛

舍利弗！未來諸佛當出於世，亦以無量無數方便、種種因緣、譬喻言辭，而為眾生演說諸法，是法皆為一佛乘故。是諸眾生，從佛聞法，究竟皆得一切種智。

丑三、明現在佛

舍利弗！現在十方無量百千萬億佛土中，諸佛世尊，多所饒益，安樂眾生；是諸佛，亦以無量無數方便、種種因緣、譬喻言辭，而為眾生演說諸法

，是法皆為一佛乘故。是諸眾生，從佛聞法，究竟皆得一切種智。

子二、結示諸佛出世因緣

舍利弗！是諸佛但教化菩薩，欲以佛之知見示眾生故，欲以佛之知見悟眾生故，欲令眾生入佛之知見故。

壬二、明釋迦佛章（分五）

癸一、開方便為始

舍利弗！我今亦復如是，知諸眾生有種種欲，深心所著；隨其本性，以種種因緣、譬喻言辭、方便力，而為說法。

癸二、顯真實為終

舍利弗！如此，皆為得一佛乘、一切種智故。

舍利弗！十方世界中，尚無二乘，何況有三。

癸三、舉五濁釋權

舍利弗！諸佛出於五濁惡世，所謂劫濁、煩惱濁、眾生濁、見濁、命濁。

如是，舍利弗！劫濁亂時，眾生垢重，慳貪嫉妬，成就諸不善根故，諸佛以方便力，於一佛乘，分別說三。

癸四、揀偽教敦信

舍利弗！若我弟子，自謂阿羅漢、辟支佛者，不聞不知諸佛如來但教化菩薩事，此非佛弟子、非阿羅漢、非辟支佛。

又舍利弗！是諸比丘、比丘尼，自謂已得阿羅漢，是最後身，究竟涅槃，便不復志求阿耨多羅三藐三菩提，當知此輩皆是增上慢人。所以者何？若有比丘實得阿羅漢，若不信此法，無有是處。

除佛滅度後，現前無佛。所以者何？佛滅度後，如是等經，受持讀誦解義者，是人難得；若遇餘佛，於此法中，便得決了。

癸五、佛言無虛妄

舍利弗！汝等當一心信解、受持佛語。諸佛如來，言無虛妄；無有餘乘，唯一佛乘。

庚二、重頌（分二）

辛一、頌上許答

爾時，世尊欲重宣此義，而說偈言：

比丘比丘尼 有懷增上慢 優婆塞我慢 優婆夷不信
如是四眾等 其數有五千 不自見其過 於戒有缺漏
護惜其瑕疵 是小智已出 眾中之糟糠 佛威德故去
斯人尠福德 不堪受是法 此眾無枝葉 唯有諸真實

辛二、頌上正說（分二）

壬一、頌四佛章（分四）

癸一、頌諸佛（分五）

子一、頌施權

舍利弗善聽	諸佛所得法	無量方便力	而為眾生說
眾生心所念	種種所行道	若干諸欲性	先世善惡業
佛悉知是已	以諸緣譬喻	言辭方便力	令一切歡喜
或說修多羅	伽陀及本事	本生未曾有	亦說於因緣
譬喻並祇夜	優波提舍經	鈍根樂小法	貪著於生死

於諸無量佛 不行深妙道 眾苦所惱亂 為是說涅槃

子二、頌顯實(分二)

丑一、大事因緣

我設是方便 令得入佛慧 未曾說汝等 當得成佛道
所以未曾說 說時未至故 今正是其時 決定說大乘
我此九部法 隨順眾生說 入大乘為本 以故說是經

丑二、會權歸實

有佛子心淨 柔軟亦利根 無量諸佛所 而行深妙道
為此諸佛子 說是大乘經 我記如是人 來世成佛道
以深心念佛 修持淨戒故 此等聞得佛 大喜充遍身
佛知彼心行 故為說大乘 聲聞若菩薩 聞我所說法
乃至於一偈 皆成佛無疑 十方佛土中 唯有一乘法
無二亦無三 除佛方便說 但以假名字 引導於眾生
說佛智慧故 諸佛出於世 唯此一事實 餘二則非真

終不以小乘 濟度於眾生 佛自住大乘 如其所得法
定慧力莊嚴 以此度眾生 自證無上道 大乘平等法
若以小乘法 乃至於一人 我則墮慳貪 此事為不可

子三、頌勸信（分二）

丑一、舉果勸信

若人信歸佛 如來不欺誑 亦無貪嫉意 斷諸法中惡
故佛於十方 而獨無所畏 我以相嚴身 光明照世間
無量眾所尊 為說實相印

丑二、舉因勸信

舍利弗當知 我本立誓願 欲令一切眾 如我等無異
如我昔所願 今者已滿足 化一切眾生 皆令入佛道

子四、舉五濁（分四）

丑一、總標五濁障大

若我遇眾生 盡教以佛道 無智者錯亂 迷惑不受教

丑二、別明五濁障大

我知此眾生 未曾修善本 堅著於五欲 癡愛故生惱
以諸欲因緣 墜墮三惡道 輪迴六趣中 備受諸苦毒
受胎之微形 世世常增長 薄德少福人 眾苦所逼迫
入邪見稠林 若有若無等 依止此諸見 具足六十二
深著虛妄法 堅受不可捨 我慢自矜高 諂曲心不實
於千萬億劫 不聞佛名字 亦不聞正法 如是人難度

丑三、為五濁故說小

是故舍利弗 我為設方便 說諸盡苦道 示之以涅槃

丑四、為大故施小

我雖說涅槃 是亦非真滅 諸法從本來 常自寂滅相
佛子行道已 來世得作佛

子五、頌不虛

我有方便力 開示三乘法 一切諸世尊 皆說一乘道

今此諸大眾 皆應除疑惑 諸佛語無異 唯一無二乘

癸二、頌過去佛

子一、略頌開顯

過去無數劫	無量滅度佛	百千萬億種	其數不可量
如是諸世尊	種種緣譬喻	無數方便力	演說諸法相
是諸世尊等	皆說一乘法	化無量眾生	令入於佛道

子二、廣頌開顯(分二)

丑一、總明方便助顯

又諸大聖主	知一切世間	天人群生類	深心之所欲
更以異方便	助顯第一義		

丑二、別示開顯之相(分二)

寅一、約眾善顯緣因功德(分七)

卯一、約六度法

若有眾生類 值諸過去佛 若聞法布施 或持戒忍辱

精進禪智等 種種修福慧 如是諸人等 皆已成佛道

卯二、約悲戀心

諸佛滅度後 若人善輒心 如是諸眾生 皆已成佛道

卯三、約供舍利

諸佛滅度已 供養舍利者 起萬億種塔 金銀及玻瓈
碑礫與瑪瑙 玫瑰琉璃珠 清淨廣嚴飾 莊校於諸塔
或有起石廟 栴檀及沉水 木檣並餘材 磚瓦泥土等
若於曠野中 積土成佛廟 乃至童子戲 聚沙為佛塔
如是諸人等 皆已成佛道

卯四、約造佛像

若人為佛故 建立諸形像 刻雕成眾相 皆已成佛道
或以七寶成 鍤鈿赤白銅 白鐵及鉛錫 鐵木及與泥
或以膠漆布 嚴飾作佛像 如是諸人等 皆已成佛道

卯五、約畫佛像

彩畫作佛像	百福莊嚴相	自作若使人	皆已成佛道
乃至童子戲	若草木及筆	或以指爪甲	而畫作佛像
如是諸人等	漸漸積功德	具足大悲心	皆已成佛道
但化諸菩薩	度脫無量眾		

卯六、約供塔像

若人於塔廟	寶像及畫像	以華香幡蓋	敬心而供養
若使人作樂	擊鼓吹角貝	簫笛琴箏篪	琵琶鐃銅鈸
如是眾妙音	盡持以供養	或以歡喜心	歌唄頌佛德
乃至一小音	皆已成佛道	若人散亂心	乃至以一華
供養於畫像	漸見無數佛	或有人禮拜	或復但合掌
乃至舉一手	或復小低頭	以此供養像	漸見無量佛
自成無上道	廣度無數眾	入無餘涅槃	如薪盡火滅

卯七、約稱佛名

若人散亂心 入於塔廟中 一稱南無佛 皆已成佛道

寅二、約聞經顯了因功德

於諸過去佛 在世或滅後 若有聞是法 皆已成佛道

癸三、頌未來佛(分二)

子一、施權

未來諸世尊 其數無有量 是諸如來等 亦方便說法

子二、顯實

一切諸如來	以無量方便	度脫諸眾生	入佛無漏智
若有聞法者	無一不成佛	諸佛本誓願	我所行佛道
普欲令眾生	亦同得此道	未來世諸佛	雖說百千億
無數諸法門	其實為一乘	諸佛兩足尊	知法常無性
佛種從緣起	是故說一乘	是法住法位	世間相常住

於道場知己 導師方便說

癸四、頌現在佛

天人所供養	現在十方佛	其數如恆沙	出現於世間
安隱眾生故	亦說如是法	知第一寂滅	以方便力故
雖示種種道	其實為佛乘	知眾生諸行	深心之所念
過去所習業	欲性精進力	及諸根利鈍	以種種因緣
譬喻亦言辭	隨應方便說		

壬二、頌釋迦佛章 (分二)

癸一、總頌權實二法

今我亦如是	安隱眾生故	以種種法門	宣示於佛道
我以智慧力	知眾生性欲	方便說諸法	皆令得歡喜

癸二、別頌開顯六義 (分六)

子一、頌五濁障重

舍利弗當知 我以佛眼觀 見六道眾生 貧窮無福慧

入生死險道 相續苦不斷 深著於五欲 如犛牛愛尾
以貪愛自蔽 盲暝無所見 不求大勢佛 及與斷苦法
深入諸邪見 以苦欲捨苦 為是眾生故 而起大悲心

子二、頌施設方便(分二)

丑一、念用大乘擬宜不得

我始坐道場 觀樹亦經行 於三七日中 思惟如是事
我所得智慧 微妙最第一 微斯之等類 云何而可度
眾生諸根鈍 著樂癡所盲 爾時諸梵王 及諸天帝釋 護世四天王 及大自在天
並餘諸天眾 眷屬百千萬 恭敬合掌禮 請我轉法輪
我即自思惟 若但讚佛乘 眾生沒在苦 不能信是法
破法不信故 墜於三惡道 我寧不說法 疾入於涅槃

丑二、念同諸佛三乘隨宜

尋念過去佛 所行方便力 我今所得道 亦應說三乘

作是思惟時	十方佛皆現	梵音慰喻我	善哉釋迦文
第一之導師	得是無上法	隨諸一切佛	而用方便力
我等亦皆得	最妙第一法	為諸眾生類	分別說三乘
少智樂小法	不自信作佛	是故以方便	分別說諸果
雖復說三乘	但為教菩薩		
舍利弗當知	我聞聖師子	深淨微妙音	稱南無諸佛
復作如是念	我出濁惡世	如諸佛所說	我亦隨順行
思惟是事已	即趣波羅奈	諸法寂滅相	不可以言宣
以方便力故	為五比丘說		
是名轉法輪	便有涅槃音	及以阿羅漢	法僧差別名
從久遠劫來	讚示涅槃法	生死苦永盡	我常如是說

子三、頌開顯真實

舍利弗當知	我見佛子等	志求佛道者	無量千萬億
咸以恭敬心	皆來至佛所	曾從諸佛聞	方便所說法
我即作是念	如來所以出	為說佛慧故	今正是其時

舍利弗當知 鈍根小智人 著相憍慢者 不能信是法
今我喜無畏 於諸菩薩中 正直捨方便 但說無上道
菩薩聞是法 疑網皆已除 千二百羅漢 悉亦當作佛

子四、頌歎法希有

如三世諸佛 說法之儀式 我今亦如是 說無分別法
諸佛興出世 懸遠值遇難 正使出於世 說是法復難
無量無數劫 聞是法亦難 能聽是法者 斯人亦復難
譬如優曇華 一切皆愛樂 天人所稀有 時時乃一出
聞法歡喜讚 乃至發一言 則為已供養 一切三世佛
是人甚稀有 過於優曇華

子五、頌佛言不虛

汝等勿有疑 我為諸法王 普告諸大眾 但以一乘道
教化諸菩薩 無聲聞弟子
汝等舍利弗 聲聞及菩薩 當知是妙法 諸佛之秘要

子六、頌揀偽敦信

以五濁惡世	但樂著諸欲	如是等眾生	終不求佛道
當來世惡人	聞佛說一乘	迷惑不信受	破法墮惡道
有慚愧清淨	志求佛道者	當為如是等	廣讚一乘道
舍利弗當知	諸佛法如是	以萬億方便	隨宜而說法
其不習學者	不能曉了此		
汝等既已知	諸佛世之師	隨宜方便事	無復諸疑惑
心生大歡喜	自知當作佛		

妙法蓮華經 卷二

譬喻品第三



己二、身子領解(分二)

庚一、長行(分五)

辛一、聞法得解

爾時，舍利弗踊躍歡喜，即起合掌，瞻仰尊顏，而白佛言。
今從世尊聞此法音，心懷踊躍，得未曾有。

辛二、昔日之失

所以者何？我昔從佛聞如是法，見諸菩薩受記作佛，而我等不預斯事，甚自感傷，失於如來無量知見。

辛三、昔日之疑

世尊！我常獨處山林樹下，若坐若行，每作是念：我等同入法性，云何如來以小乘法而見濟度？是我等咎，非世尊也。所以者何？若我等待說所因，成就阿耨多羅三藐三菩提者，必以大乘而得度脫。然我等不解方便隨宜所說，初聞佛法，遇便信受，思惟取證。

辛四、疑悔斷盡

世尊！我從昔來，終日竟夜，每自剋責，而今從佛聞所未聞未曾有法，斷諸疑悔，身意泰然，快得安隱。

辛五、領解信受

今日乃知真是佛子，從佛口生，從法化生，得佛法分。

庚二、重頌_(分二)

辛一、頌上述長行_(分四)

壬一、頌聞法得解

爾時，舍利弗欲重宣此義，而說偈言：

我聞是法音 得所未曾有 心懷大歡喜 疑網皆已除

壬二、頌昔失今得

昔來蒙佛教 不失於大乘 佛音甚稀有 能除眾生惱

我已得漏盡 聞亦除憂惱

壬三、頌昔疑今解

我處於山谷	或在林樹下	若坐若經行	常思惟是事
嗚呼深自責	云何而自欺		
我等亦佛子	同入無漏法	不能於未來	演說無上道
金色三十二	十力諸解脫	同共一法中	而不得此事
八十種妙好	十八不共法	如是等功德	而我皆已失
我獨經行時	見佛在大眾	名聞滿十方	廣饒益眾生
自惟失此利	我為自欺誑		

壬四、頌疑悔斷盡

我常於日夜	每思惟是事	欲以問世尊	為失為不失
我常見世尊	稱讚諸菩薩	以是於日夜	籌量如是事
今聞佛音聲	隨宜而說法	無漏難思議	令眾至道場
我本著邪見	為諸梵志師	世尊知我心	拔邪說涅槃
我悉除邪見	於空法得證	爾時心自謂	得至於滅度
而今乃自覺	非是實滅度	若得作佛時	具三十二相

天人夜叉眾 龍神等恭敬 是時乃可謂 永盡滅無餘
佛於大眾中 說我當作佛 聞如是法音 疑悔悉已除

辛二、頌領解前文(分二)

壬一、追敘疑悔

初聞佛所說 心中大驚疑 將非魔作佛 惱亂我心耶

壬二、敘今領解

佛以種種緣 譬喻巧言說 其心安如海 我聞疑網斷
佛說過去世 無量滅度佛 安住方便中 亦皆說是法
現在未來佛 其數無有量 亦以諸方便 演說如是法
如今者世尊 從生及出家 得道轉法輪 亦以方便說
世尊說實道 波旬無此事 以是我定知 非是魔作佛
我墮疑網故 謂是魔所為 聞佛柔軟音 深遠甚微妙
演暢清淨法 我心大歡喜 疑悔永已盡 安住實智中
我定當作佛 為天人所敬 轉無上法輪 教化諸菩薩

己三、如來述成(分三)

庚一、昔曾教大

爾時，佛告舍利弗：吾今於天、人、沙門、婆羅門等大眾中說，我昔曾於二萬億佛所，為無上道故，常教化汝，汝亦長夜隨我受學。我以方便引導汝故，生我法中。

庚二、中忘取小

舍利弗！我昔教汝志願佛道，汝今悉忘，而便自謂已得滅度。

庚三、還為說大

我今還欲令汝憶念本願所行道故，為諸聲聞說是大乘經，名妙法蓮華，教菩薩法，佛所護念。

己四、與之授記(分二)

庚一、長行(分八)

辛一、時節因果

舍利弗！汝於未來世過無量無邊不可思議劫，供養若干千萬億佛，奉持正

法，具足菩薩所行之道，當得作佛，號曰華光如來、應供、正遍知、明行足、善逝、世間解、無上士、調御丈夫、天人師、佛、世尊。

辛二、國土莊嚴

國名離垢，其土平正，清淨嚴飾，安隱豐樂，天人熾盛。琉璃為地，有八交道，黃金為繩，以界其側。其旁各有七寶行樹，常有華果。

辛三、說法教化

華光如來，亦以三乘教化眾生。舍利弗！彼佛出時，雖非惡世，以本願故，說三乘法。

辛四、劫號名稱

其劫名大寶莊嚴。何故名曰大寶莊嚴？其國中以菩薩為大寶故。

辛五、菩薩眾數

彼諸菩薩無量無邊，不可思議，算數譬喻所不能及，非佛智力，無能知者。若欲行時，寶華承足。此諸菩薩非初發意，皆久植德本，於無量百千萬億

佛所，淨修梵行，恆為諸佛之所稱歎。常修佛慧，具大神通，善知一切諸法之門，質直無偽，志念堅固。如是菩薩，充滿其國。

辛六、壽量長短

舍利弗！華光佛壽十二小劫，除為王子未作佛時。其國人民，壽八小劫。

辛七、轉記補處

華光如來，過十二小劫，授堅滿菩薩阿耨多羅三藐三菩提記。告諸比丘，是堅滿菩薩，次當作佛，號曰華足安行，多陀阿伽度阿羅訶三藐三佛陀，其佛國土，亦復如是。

辛八、法住久近

舍利弗！是華光佛滅度之後，正法住世，三十二小劫；像法住世，亦三十二小劫。

庚二、重頌（分二）

辛一、頌上長行（分五）

壬一、頌因行得果

爾時，世尊欲重宣此義，而說偈言：

舍利弗來世 成佛普智尊 號名曰華光 當度無量眾
供養無數佛 具足菩薩行 十力等功德 證於無上道

壬二、頌劫名國土

過無量劫已 劫名大寶嚴 世界名離垢 清淨無瑕穢
以琉璃為地 金繩界其道 七寶雜色樹 常有華果實

壬三、頌眾數說法

彼國諸菩薩 志念常堅固 神通波羅蜜 皆已悉具足
於無數佛所 善學菩薩道 如是等大士 華光佛所化

壬四、頌壽量長短

佛為王子時 棄國捨世榮 於最末後身 出家成佛道

華光佛住世 壽十二小劫 其國人民眾 壽命八小劫

壬五、頌法住久近

佛滅度之後 正法住於世 三十二小劫 廣度諸眾生

正法滅盡已 像法三十二 舍利廣流布 天人普供養

辛二、結示稱歎

華光佛所為 其事皆如是 其兩足聖尊 最勝無倫匹

彼即是汝身 宜應自欣慶

己五、四眾歡喜(分二)

庚一、長行(分三)

辛一、敘眾歡喜

爾時，四部眾比丘、比丘尼、優婆塞、優婆夷、天、龍、夜叉、乾闥婆、阿修羅、迦樓羅、緊那羅、摩睺羅伽等大眾，見舍利弗於佛前受阿耨多羅三藐三菩提記，心大歡喜，踊躍無量。

辛二、廣修供養

各各脫身所著上衣，以供養佛。釋提桓因、梵天王等，與無數天子，亦以天妙衣、天曼陀羅華、摩訶曼陀羅華等，供養於佛。所散天衣，住虛空中，而自迴轉。諸天伎樂，百千萬種，於虛空中，一時俱作，雨眾天華。

辛三、大眾領解

而作是言：佛昔於波羅奈，初轉法輪，今乃復轉無上最大法輪。

庚二、重頌（分三）

辛一、頌開權顯實

爾時，諸天子欲重宣此義，而說偈言：

昔於波羅奈 轉四諦法輪 分別說諸法 五眾之生滅
今復轉最妙 無上大法輪 是法甚深奧 少有能信者

辛二、述隨喜迴向

我等從昔來 數聞世尊說 未曾聞如是 深妙之上法
世尊說是法 我等皆隨喜

大智舍利弗 今得受尊記 我等亦如是 必當得作佛
於一切世間 最尊無有上 佛道叵思議 方便隨宜說
我所有福業 今世若過世 及見佛功德 盡迴向佛道

戊二、譬說周 (分四)

己一、開三顯一 (分二)

庚一、身子代請

爾時，舍利弗白佛言：世尊！我今無復疑悔，親於佛前，得受阿耨多羅三藐三菩提記。

是諸千二百心自在者，昔住學地，佛常教化言：我法能離生老病死，究竟涅槃。是學無學人，亦各自以離我見及有無見等，謂得涅槃。而今於世尊前，聞所未聞，皆墮疑惑。

善哉！世尊！願為四眾說其因緣，令離疑悔。

庚二、如來垂答 (分三)

辛一、抑揚發起

爾時，佛告舍利弗：我先不言，諸佛世尊以種種因緣、譬喻言辭、方便說

法，皆為阿耨多羅三藐三菩提耶？是諸所說，皆為化菩薩故。然舍利弗！今當復以譬喻更明此義，諸有智者，以譬喻得解。

辛二、正說譬喻(分二)

壬一、長行(分二)

癸一、立喻(分二)

子一、總喻(分五)

丑一、長者喻

舍利弗！若國邑聚落有大長者，其年衰邁，財富無量，多有田宅及諸僮僕。

丑二、舍宅一門喻

其家廣大，唯有一門。

丑三、五百人喻

多諸人眾，一百、二百，乃至五百人，止住其中。

丑四、火起喻

堂閣朽故，牆壁隕落，柱根腐敗，梁棟傾危，周匝俱時欬然火起，焚燒舍宅。

丑五、三十子喻

長者諸子，若十、二十，或至三十，在此宅中。

子二、別喻(分四)

丑一、長者見火喻

長者見是大火，從四面起，即大驚怖，而作是念：我雖能於此所燒之門，安穩得出；而諸子等，於火宅內，樂著嬉戲，不覺不知，不驚不怖，火來逼身，苦痛切己，心不厭患，無求出意。

丑二、捨几用車喻(分二)

寅一、捨几喻(分二)

卯一、勸門擬宜不得

舍利弗！是長者作是思惟：我身手有力，當以衣襪，若以几案，從舍出之。復更思惟：是舍唯有一門，而復陜小。諸子幼稚，未有所識，戀著戲處，或當墮落，為火所燒。

卯二、誠門擬宜不得

我當為說怖畏之事，此舍已燒，宜時疾出，無令為火之所燒害。作是念已，如所思惟，具告諸子，汝等速出。父雖憐愍，善言誘喻，而諸子等樂著嬉戲，不肯信受，不驚不畏，了無出心。亦復不知何者是火，何者為舍，云何為失，但東西走戲，視父而已。

寅二、用車喻（分四）

卯一、擬宜三車喻

爾時，長者即作是念：此舍已為大火所燒，我及諸子若不時出，必為所焚，我今當設方便，令諸子等得免斯害。

卯二、知子心所好喻

父知諸子，先心各有所好種種珍玩奇異之物，情必樂著。

卯三、歎三車希有喻

而告之言：汝等所可玩好，稀有難得，汝若不取，後必憂悔。如此種種羊車、鹿車、牛車，今在門外，可以遊戲。汝等於此火宅，宜

速出來，隨汝所欲，皆當與汝。

卯四、適子所願喻

爾時，諸子聞父所說珍玩之物，適其願故，心各勇銳，互相推排，競共馳走，爭出火宅。

丑三、等賜大車喻(分四)

寅一、父見諸子免難歡喜喻

是時，長者見諸子等安穩得出，皆於四衢道中，露地而坐，無復障礙，其心泰然，歡喜踊躍。

寅二、諸子索車喻

時諸子等各白父言：父先所許玩好之具，羊車、鹿車、牛車，願時賜與。

寅三、等賜諸子大車喻(分三)

卯一、標示車體

舍利弗！爾時長者，各賜諸子，等一大車。

卯二、廣明車等

其車高廣，眾寶莊校，周匝欄楯，四面懸鈴，又於其上張設幃蓋，亦以珍奇雜寶而嚴飾之，寶繩交絡，垂諸華纓，重敷婉筵，安置丹枕。駕以白牛，膚色充潔，形體姝好，有大筋力，行步平正，其疾如風。又多僕從而侍衛之。

所以者何？是大長者財富無量，種種諸藏，悉皆充溢。

卯三、廣明心等

而作是念：我財物無極，不應以下劣小車與諸子等，今此幼童皆是吾子，愛無偏黨，我有如是七寶大車，其數無量，應當等心，各各與之，不宜差別。所以者何？以我此物，周給一國，猶尚不匱，何況諸子。

寅四、諸子得車歡喜喻

是時諸子各乘大車，得未曾有，非本所望。

丑四、佛無虛妄喻(分三)

寅一、垂問

舍利弗！於汝意云何？是長者等與諸子珍寶大車，寧有虛妄不？

寅二、回答

舍利弗言：不也，世尊！是長者但令諸子得免火難，全其軀命，非為虛妄。何以故？若全身命，便為已得玩好之具，況復方便，於彼火宅而拔濟之。世尊！若是長者乃至不與最小一車，猶不虛妄。何以故？是長者先作是意，我以方便令子得出，以是因緣，無虛妄也。何況長者自知財富無量，欲饒益諸子，等與大車。

寅三、述歎

佛告舍利弗：善哉！善哉！如汝所言。

癸二、合法(分二)

子一、合總喻

舍利弗！如來亦復如是，則為一切世間之父。於諸怖畏、衰惱、憂患

、無明闇蔽，永盡無餘，而悉成就無量知見，力無所畏，有大神力及智慧力，具足方便智慧波羅蜜，大慈大悲，常無懈倦，恆求善事，利益一切。而生三界朽故火宅，為度眾生，生老病死，憂悲苦惱，愚癡闇蔽，三毒之火，教化令得阿耨多羅三藐三菩提。

子二、合別喻(分四)

丑一、合長者見火喻

見諸眾生，為生老病死憂悲苦惱之所燒煮；亦以五欲財利故，受種種苦；又以貪著追求故，現受眾苦，後受地獄、畜生、餓鬼之苦，若生天上及在人間，貧窮困苦、愛別離苦、怨憎會苦，如是等種種諸苦，眾生沒在其中，歡喜遊戲，不覺不知，不驚不怖，亦不生厭，不求解脫。於此三界火宅，東西馳走，雖遭大苦，不以為患。舍利弗！佛見此已，便作是念：我為眾生之父，應拔其苦難，與無量無邊佛智慧樂，令其遊戲。

丑二、合捨几用車喻(分二)

寅一、合捨几

舍利弗！如來復作是念：若我但以神力及智慧力，捨於方便，為諸眾生讚如來知見、力無所畏者，眾生不能以是得度。

所以者何？是諸眾生，未免生老病死憂悲苦惱，而為三界火宅所燒，何由能解佛之智慧。

寅二、合用車(分三)

卯一、合擬宜三車

舍利弗！如彼長者，雖復身手有力而不用之，但以殷勤方便，勉濟諸子火宅之難，然後各與珍寶大車。

如來亦復如是，雖有力無所畏而不用之，但以智慧方便，於三界火宅拔濟眾生，為說三乘，聲聞、辟支佛、佛乘。

卯二、合三車希有

而作是言：汝等莫得樂住三界火宅，勿貪麤弊色聲香味觸也。若貪著生愛，則為所燒。汝速出三界，當得三乘，聲聞、辟支佛、佛乘，

我今為汝保任此事，終不虛也。

汝等但當勤修精進。如來以是方便，誘進眾生，復作是言：汝等當知此三乘法，皆是聖所稱歎，自在無繫，無所依求。乘是三乘，以無漏根、力、覺、道、禪定、解脫、三昧等，而自娛樂，便得無量安隱快樂。

卯三、合適子所願

舍利弗！若有眾生，內有智性，從佛世尊聞法信受，殷勤精進，欲速出三界，自求涅槃，是名聲聞乘；如彼諸子，為求羊車出於火宅。

若有眾生，從佛世尊聞法信受，殷勤精進，求自然慧，樂獨善寂，深知諸法因緣，是名辟支佛乘；如彼諸子，為求鹿車出於火宅。

若有眾生，從佛世尊聞法信受，勤修精進，求一切智、佛智、自然智、無師智，如來知見、力、無所畏，愍念安樂無量眾生，利益天人，度脫一切，是名大乘菩薩。求此乘故，名為摩訶薩；如彼諸子，為求牛車出於火宅。

丑三、合等賜大車喻 (分二)

寅一、雙牒二喻

舍利弗！如彼長者，見諸子等安隱得出火宅，到無畏處，自惟財富無量，等以大車而賜諸子。

寅二、雙合二喻

如來亦復如是，為一切眾生之父，若見無量億千眾生，以佛教門，出三界苦怖畏險道，得涅槃樂。

如來爾時，便作是念：我有無量無邊智慧、力、無畏等諸佛法藏，是諸眾生皆是我子，等與大乘，不令人獨得滅度，皆以如來滅度而滅度之。是諸眾生脫三界者，悉與諸佛禪定解脫等娛樂之具，皆是一相一種，聖所稱歎，能生淨妙第一之樂。

丑四、合無虛妄喻 (分二)

寅一、牒前譬喻

舍利弗！如彼長者，初以三車誘引諸子，然後但與大車，寶物莊嚴，安隱第一，然彼長者無虛妄之咎。

寅二、正合不虛

如來亦復如是，無有虛妄。初說三乘引導眾生，然後但以大乘而度脫之。何以故？如來有無量智慧、力、無所畏諸法之藏，能與一切眾生大乘之法，但不盡能受。舍利弗！以是因緣，當知諸佛方便力故，於一佛乘，分別說三。

壬二、重頌_(分二)

癸一、頌立喻_(分二)

子一、頌總喻_(分三)

丑一、頌長者家宅喻

佛欲重宣此義，而說偈言：

譬如長者	有一大宅	其宅久故	而復頓弊
堂舍高危	柱根摧朽	梁棟傾斜	基陛隕毀
牆壁圯坼	泥塗陀落	覆苫亂墜	椽梠差脫
周障屈曲	雜穢充遍		

丑二、頌五百人喻

有五百人止住其中

丑三、頌火起喻(分四)

寅一、頌地上事喻欲界火起(分四)

卯一、明所燒之類

鴟梟鷂鷲	烏鵲鳩鴿	蚺蛇蝮蠍	蜈蚣蚰蜒
守宮百足	鼯狸鼯鼠	諸惡蟲輩	交橫馳走
屎尿臭處	不淨流溢	蜚螂諸蟲	而集其上
狐狼野干	咀嚼踐踏	齧齧死屍	骨肉狼藉
由是群狗	競來搏撮	飢羸惴惶	處處求食
鬥諍擅掣	嗥啾嗥吠	其舍恐怖	變狀如是
處處皆有	魑魅魍魎	夜叉惡鬼	食噉人肉
毒蟲之屬	諸惡禽獸	孚乳產生	各自藏護
夜叉競來	爭取食之	食之既飽	惡心轉熾
鬥諍之聲	甚可怖畏	鳩槃荼鬼	蹲踞土埕
或時離地	一尺二尺	往返遊行	縱逸嬉戲

捉狗兩足 撲令失聲 以腳加頸 怖狗自樂
復有諸鬼 其身長大 裸形黑瘦 常住其中
發大惡聲 叫呼求食 復有諸鬼 其咽如針
復有諸鬼 首如牛頭 或食人肉 或復噉狗
頭髮鬢亂 殘害兇險 饑渴所逼 叫喚馳走
夜叉餓鬼 諸惡鳥獸 饑急四向 窺看窗牖
如是諸難 恐懼無量

卯二、明火起之由

是朽故宅 屬於一人 其人近出 未久之間
於後宅舍 忽燃火起

卯三、明火起之勢

四面一時 其燄俱熾 棟梁椽柱 爆聲震裂
摧折墮落 牆壁崩倒

卯四、明被燒之相

諸鬼神等 揚聲大叫 鷓鴣諸鳥 鳩槃荼等
周悼惶怖 不能自出

寅二、頌穴中事喻色界火起(分三)

卯一、明所燒之類

惡獸毒蟲 藏竄孔穴 毘舍闍鬼 亦住其中

卯二、明火起之由

薄福德故 為火所逼 共相殘害 飲血噉肉

卯三、明被燒之相

野干之屬 並已前死 諸大惡獸 競來食噉
臭烟烽勃 四面充塞

寅三、頌穴外事喻無色界火起(分二)

卯一、明所燒之類

蜈蚣蚰蜒 毒蛇之類 為火所燒 爭走出穴
鳩槃荼鬼 隨取而食

卯二、明被燒之相

又諸餓鬼 頭上火燃 飢渴熱惱 周樟悶走

寅四、總結眾難非一

其宅如是 甚可怖畏 毒害火災 眾難非一

子二、頌別喻(分三)

丑一、頌長者見火喻

是時宅主 在門外立 聞有人言 汝諸子等
先因遊戲 來入此宅 稚小無知 歡娛樂著
長者聞已 驚入火宅

丑二、頌捨几用車喻(分三)

寅一、頌捨几

方宜救濟	令無燒害	告喻諸子	說眾患難
惡鬼毒蟲	災火蔓延	眾苦次第	相續不絕
毒蛇虻蝮	及諸夜叉	鳩槃荼鬼	野干狐狗
鷓鷯鴟梟	百足之屬	飢渴惱急	甚可怖畏
此苦難處	況復大火		
諸子無知	雖聞父誨	猶故樂著	嬉戲不已

寅二、頌用車(分三)

卯一、頌擬宜三車

是時長者	而作是念	諸子如此	益我愁惱
今此舍宅	無一可樂	而諸子等	耽湎嬉戲
不受我教	將為火害	即便思惟	設諸方便

卯二、頌三車希有

告諸子等 我有種種 珍玩之具 妙寶好車
羊車鹿車 大牛之車 今在門外 汝等出來
吾為汝等 造作此車 隨意所樂 可以遊戲

卯三、頌適子所願

諸子聞說 如此諸車 即時奔競 馳走而出
到於空地 離諸苦難

丑三、頌等賜大車喻(分四)

寅一、頌父見諸子免難歡喜喻

長者見子 得出火宅 住於四衢 坐師子座
而自慶言 我今快樂 此諸子等 生育甚難
愚小無知 而入險宅 多諸毒蟲 魑魅可畏
大火猛燄 四面俱起 而此諸子 貪著嬉戲
我已救之 令得脫難 是故諸人 我今快樂

寅二、頌諸子索車喻

爾時諸子 知父安坐 皆詣父所 而白父言
願賜我等 三種寶車 如前所許 諸子出來
當以三車 隨汝所欲 今正是時 惟垂給與

寅三、頌等賜諸子大車喻

長者大富 庫藏眾多 金銀琉璃 碑磔瑪瑙
以眾寶物 造諸大車 莊校嚴飾 周匝欄楯
四面懸鈴 金繩交絡 真珠羅網 張施其上
金華諸瓔 處處垂下 眾綵雜飾 周匝圍繞
柔軟繒纊 以為茵蓐 上妙細氎 價值千億
鮮白淨潔 以覆其上 有大白牛 肥壯多力
形體姝好 以駕寶車 多諸僮從 而侍衛之
以是妙車 等賜諸子

寅四、頌諸子得車歡喜喻

諸子是時 歡喜踊躍 乘是寶車 遊於四方
嬉戲快樂 自在無礙

癸二、頌合法(分三)

子一、頌合總喻

告舍利弗 我亦如是 眾聖中尊 世間之父
一切眾生 皆是吾子 深著世樂 無有慧心
三界無安 猶如火宅 眾苦充滿 甚可怖畏
常有生老 病死憂患 如是等火 熾然不息

子二、頌合別喻(分四)

丑一、頌合長者見火

如來已離 三界火宅 寂然閒居 安處林野
今此三界 皆是我有 其中眾生 悉是吾子
而今此處 多諸患難 唯我一人 能為救護

丑二、頌合捨几用車

雖復教詔 而不信受 於諸欲染 貪著深故
以是方便 為說三乘 令諸眾生 知三界苦
開示演說 出世間道 是諸子等 若心決定
具足三明 及六神通 有得緣覺 不退菩薩

丑三、頌合等賜大車

汝舍利弗 我為眾生 以此譬喻 說一佛乘
汝等若能 信受是語 一切皆當 成得佛道
是乘微妙 清淨第一 於諸世間 為無有上
佛所悅可 一切眾生 所應稱讚 供養禮拜
無量億千 諸力解脫 禪定智慧 及佛餘法
得如是乘 令諸子等 日夜劫數 常得遊戲
與諸菩薩 及聲聞眾 乘此寶乘 直至道場
以是因緣 十方諦求 更無餘乘 除佛方便

丑四、頌合佛言不虛(分二)

寅一、總標不虛章門

告舍利弗 汝諸人等 皆是吾子 我則是父
汝等累劫 眾苦所燒 我皆濟拔 令出三界
我雖先說 汝等滅度 但盡生死 而實不滅
今所應作 唯佛智慧

寅二、別明不虛之義(分三)

卯一、明皆是佛子理應平等

若有菩薩 於是眾中 能一心聽 諸佛實法
諸佛世尊 雖以方便 所化眾生 皆是菩薩

卯二、明不能受大乃說三乘

若人小智 深著愛欲 為此等故 說於苦諦
眾生心喜 得未曾有 佛說苦諦 真實無異
若有眾生 不知苦本 深著苦因 不能暫捨
為是等故 方便說道 諸苦所因 貪欲為本

若滅貪欲 無所依止 滅盡諸苦 名第三諦
為滅諦故 修行於道 離諸苦縛 名得解脫
是人於何 而得解脫

卯三、明後若堪受還與大法

但離虛妄 名為解脫 其實未得 一切解脫
佛說是人 未實滅度
斯人未得 無上道故 我意不欲 令至滅度
我為法王 於法自在 安隱眾生 故現於世

辛三、勸信流通 (分二)

壬一、總標

汝舍利弗 我此法印 為欲利益 世間故說
在所遊方 勿妄宣傳

壬二、別釋(分二)

癸一、釋可說不可說

若有聞者	隨喜頂受	當知是人	阿惟越致
若有信受	此經法者	是人已曾	見過去佛
恭敬供養	亦聞是法	若人有能	信汝所說
則為見我	亦見於汝	及比丘僧	並諸菩薩
斯法華經	為深智說	淺識聞之	迷惑不解
一切聲聞	及辟支佛	於此經中	力所不及
汝舍利弗	尚於此經	以信得入	況餘聲聞
其餘聲聞	信佛語故	隨順此經	非已智分

癸二、釋可通不可通(分二)

子一、約大悲門莫為惡人說(分四)

丑一、非機不解

又舍利弗	憍慢懈怠	計我見者	莫說此經
凡夫淺識	深著五欲	聞不能解	亦勿為說

丑二、謗毀業因

若人不信 毀謗此經 則斷一切 世間佛種
或復顰蹙 而懷疑惑 汝當聽說 此人罪報
若佛在世 若滅度後 其有誹謗 如斯經典
見有讀誦 書持經者 輕賤憎嫉 而懷結恨
此人罪報 汝今復聽

丑三、謗毀罪報

其人命終 入阿鼻獄 具足一劫 劫盡更生
如是展轉 至無數劫
從地獄出 當墮畜生 若狗野干 其形頹瘦
鰥黥疥癩 人所觸撓 又復為人 之所惡賤
常困飢渴 骨肉枯竭 生受楚毒 死被瓦石
斷佛種故 受斯罪報 若作駱駝 或生驢中
身常負重 加諸杖捶 但念水草 餘無所知
謗斯經故 獲罪如是 有作野干 來入聚落

身體疥癩	又無一目	為諸童子	之所打擲
受諸苦痛	或時致死	於此死已	更受蟒身
其形長大	五百由旬	聾駃無足	宛轉腹行
為諸小蟲	之所啞食	晝夜受苦	無有休息
謗斯經故	獲罪如是		
若得為人	諸根闇鈍	矬陋癡瘖	盲聾背偻
有所言說	人不信受	口氣常臭	鬼魅所著
貧窮下賤	為人所使	多病瘠瘦	無所依怙
雖親附人	人不在意	若有所得	尋復忘失
若修醫道	順方治病	更增他疾	或復致死
若自有病	無人救療	設服良藥	而復增劇
若他叛逆	抄劫竊盜	如是等罪	橫罹其殃
如斯罪人	永不見佛	眾聖之王	說法教化
如斯罪人	常生難處	狂聾心亂	永不聞法
於無數劫	如恆河沙	生輒聾瘖	諸根不具
常處地獄	如遊園觀	在餘惡道	如已舍宅

駝驢豬狗 是其行處 謗斯經故 獲罪如是
若得為人 聾盲瘖瘂 貧窮諸衰 以自莊嚴
水腫乾癆 疥癩癰疽 如是等病 以為衣服
身常臭處 垢穢不淨 深著我見 增益瞋恚
婬欲熾盛 不擇禽獸 謗斯經故 獲罪如是

丑四、大悲莫說

告舍利弗 謗斯經者 若說其罪 窮劫不盡
以是因緣 我故語汝 無智人中 莫說此經

子二、約大慈門應為善人說 (分二)

丑一、明五雙善人可為宣說 (分五)

寅一、過現一對

若有利根 智慧明了 多聞強識 求佛道者
如是之人 乃可為說 若人曾見 億百千佛
植諸善本 深心堅固 如是之人 乃可為說

寅二、上下一對

若人精進	常修慈心	不惜身命	乃可為說
若人恭敬	無有異心	離諸凡愚	獨處山澤
如是之人	乃可為說		

寅三、內外一對

又舍利弗	若見有人	捨惡知識	親近善友
如是之人	乃可為說	若見佛子	持戒清潔
如淨明珠	求大乘經	如是之人	乃可為說

寅四、自他一對

若人無瞋	質直柔軟	常愍一切	恭敬諸佛
如是之人	乃可為說	復有佛子	於大眾中
以清淨心	種種因緣	譬喻言辭	說法無礙
如是之人	乃可為說		

寅五、始終一對

若有比丘	為一切智	四方求法	合掌頂受
但樂受持	大乘經典	乃至不受	餘經一偈
如是之人	乃可為說	如人至心	求佛舍利
如是求經	得已頂受	其人不復	志求餘經
亦未曾念	外道典籍	如是之人	乃可為說

丑二、總結可說之相

告舍利弗	我說是相	求佛道者	窮劫不盡
如是等人	則能信解	汝當為說	妙法華經

妙法蓮華經 卷二

信解品第四



己二、中根領解（分二）

庚一、經家敘喜

爾時，慧命須菩提、摩訶迦旃延、摩訶迦葉、摩訶目犍連，從佛所聞未曾有法，世尊授舍利弗阿耨多羅三藐三菩提記，發稀有心，歡喜踊躍；即從座起，整衣服，偏袒右肩，右膝著地，一心合掌，曲躬恭敬，瞻仰尊顏，而白佛言：

庚二、自陳領解（分二）

辛一、正陳得解（分二）

壬一、長行（分二）

癸一、法中略說（分二）

子一、明昔日不求

我等居僧之首，年並朽邁，自謂已得涅槃，無所堪任，不復進求阿耨多羅三藐三菩提。

世尊往昔說法既久，我時在座，身體疲懈，但念空、無相、無作，於菩薩法，遊戲神通，淨佛國土，成就眾生，心不喜樂。

所以者何？世尊令我等，出於三界，得涅槃證。又今我等，年已朽

邁，於佛教化菩薩阿耨多羅三藐三菩提，不生一念好樂之心。

子二、明今日慶得

我等今於佛前，聞授聲聞阿耨多羅三藐三菩提記，心甚歡喜，得未曾有；不謂於今，忽然得聞稀有之法，深自慶幸，獲大善利，無量珍寶，不求自得。

癸二、喻中廣明 (分二)

子一、喻說 (分四)

丑一、父子相失喻 (分四)

寅一、子背父而逃

世尊！我等今者，樂說譬喻，以明斯義。

譬若有人，年既幼稚，捨父逃逝，久住他國，或十、二十，至五十歲。年既長大，加復窮困，馳騁四方，以求衣食；漸漸遊行，遇向本國。

寅二、父求子中止

其父先來，求子不得，中止一城。其家大富，財寶無量，金、銀

、琉璃、珊瑚、琥珀、玻璃珠等，其諸倉庫，悉皆盈溢；多有僮僕、臣佐吏民，象馬車乘，牛羊無數，出入息利，乃遍他國；商估賈客亦甚眾多。

寅三、子遂到父城

時貧窮子，遊諸聚落，經歷國邑，遂到其父所止之城。

寅四、其父心憂念

父每念子，與子離別五十餘年，而未曾向人說如此事。但自思惟，心懷悔恨，自念老朽，多有財物，金銀珍寶，倉庫盈溢，無有子息；一旦終歿，財物散失，無所委付，是以慙懃，每憶其子。復作是念：我若得子，委付財物，坦然快樂，無復憂慮。

丑二、父子相見喻(分二)

寅一、子見父

世尊！爾時，窮子傭賃展轉，遇到父舍，住立門側。遙見其父踞師子床，寶几承足。諸婆羅門、剎利、居士，皆恭敬圍繞；以真珠瓔

珞，價值千萬，莊嚴其身；吏民僮僕，手執白拂，侍立左右；覆以寶帳，垂諸華幡，香水灑地，散眾名華，羅列寶物，出內取與，有如是等種種嚴飾，威德特尊。

窮子見父有大力勢，即懷恐怖，悔來至此，竊作是念：此或是王，或是王等，非我傭力得物之處，不如往至貧里，肆力有地，衣食易得；若久住此，或見逼迫，強使我作。作是念已，疾走而去。

寅二、父見子

時富長者，於師子座，見子便識，心大歡喜，即作是念：我財物庫藏，今有所付；我常思念此子，無由見之，而忽自來，甚適我願；我雖年朽，猶故貪惜。

丑三、遣使追誘喻 (分二)

寅一、遣傍人追

即遣傍人，急追將還。爾時，使者疾走往捉，窮子驚愕，稱怨大喚：我不相犯，何為見捉？使者執之逾急，強牽將還。

於時窮子自念無罪，而被囚執，此必定死，轉更惶怖，悶絕躄地。父遙見之，而語使言：不須此人，勿強將來。以冷水灑面，令得醒悟，莫復與語。所以者何？父知其子，志意下劣，自知豪貴，為子所難；審知是子，而以方便，不語他人，云是我子。使者語之：我今放汝，隨意所趣。

窮子歡喜，得未曾有，從地而起，往至貧里，以求衣食。

寅二、遣二人誘

爾時，長者將欲誘引其子，而設方便；密遣二人，形色憔悴，無威德者，汝可詣彼，徐語窮子，此有作處，倍與汝直。窮子若許，將來使作。若言欲何所作，便可語之，雇汝除糞，我等二人，亦共汝作。時二使人，即求窮子；既已得之，具陳上事。爾時，窮子先取其價，尋與除糞。其父見子，愍而怪之。

又以他日，於窗牖中，遙見子身，羸瘦憔悴，糞土塵坌，污穢不淨。即脫瓔珞、細軟上服、嚴飾之具，更著麤弊垢膩之衣；塵土坌身，右手執持除糞之器，狀有所畏。

語諸作人，汝等勤作，勿得懈怠，以方便故，得近其子。後復告言：咄！男子，汝常此作，勿復餘去，當加汝價。諸有所須，盆器米麵鹽醋之屬，莫自疑難，亦有老弊使人，須者相給，好自安意；我如汝父，勿復憂慮。所以者何？我年老大，而汝少壯，汝常作時，無有欺怠、瞋恨、怨言，都不見汝有此諸惡，如餘作人；自今已後，如所生子。即時長者更與作字，名之為兒。

爾時，窮子雖欣此遇，猶故自謂客作賤人。由是之故，於二十年中，常令除糞。

丑四、領付家業喻 (分二)

寅一、敕領家業

過是已後，心相體信，入出無難，然其所止，猶在本處。

世尊，爾時長者有疾，自知將死不久，語窮子言：我今多有金銀珍寶，倉庫盈溢，其中多少，所應取與，汝悉知之，我心如是，當體此意。所以者何？今我與汝，便為不異，宜加用心，無令漏失。

爾時，窮子即受教敕，領知眾物，金銀珍寶，及諸庫藏，而無希

取一餐之意，然其所止，故在本處，下劣之心，亦未能捨。

寅二、終付家財

復經少時，父知子意漸已通泰，成就大志，自鄙先心。臨欲終時，而命其子，並會親族、國王、大臣、剎利、居士，皆悉已集，即自宣言：諸君當知，此是我子，我之所生，於某城中，捨吾逃走，竝嶼辛苦五十餘年，其本字某，我名某甲，昔在本城懷憂推覓，忽於此間遇會得之，此實我子，我實其父，今我所有一切財物，皆是子有，先所出內是子所知。

世尊！是時窮子聞父此言，即大歡喜，得未曾有，而作是念：我本無心有所希求，今此寶藏自然而至。

子二、合法(分三)

丑一、合父子相失相見

世尊！大富長者則是如來，我等皆似佛子；如來常說，我等為子。

丑二、合追誘教取意

世尊！我等以三苦故，於生死中，受諸熱惱，迷惑無知，樂著小法。今日，世尊令我等思惟，蠲除諸法戲論之糞，我等於中，勤加精進，得至涅槃一日之價；既得此已，心大歡喜，自以為足，便自謂言，於佛法中勤精進故，所得弘多。然世尊先知我等，心著弊欲，樂於小法，便見縱捨，不為分別，汝等當有如來知見寶藏之分。

丑三、合領付家業歡喜

世尊以方便力，說如來智慧，我等從佛得涅槃一日之價，以為大得；於此大乘，無有志求。我等又因如來智慧，為諸菩薩開示演說，而自於此無有志願。所以者何？佛知我等心樂小法，以方便力，隨我等說，而我等不知真是佛子。

今我等方知，世尊於佛智慧，無所吝惜。所以者何？我等昔來真是佛子，而但樂小法，若我有樂大之心，佛則為我說大乘法，於此經中，唯說一乘，而昔於菩薩前，毀訾聲聞樂小法者，然佛實以大乘

教化；是故我等，說本無心有所希求。今法王大寶自然而至，如佛子所應得者皆已得之。

壬二、重頌_(分二)

癸一、頌立喻_(分四)

子一、頌父子相失

爾時，摩訶迦葉欲重宣此義，而說偈言：

我等今日	聞佛音教	歡喜踊躍	得未曾有
佛說聲聞	當得作佛	無上寶聚	不求自得
譬如童子	幼稚無識	捨父逃逝	遠到他土
周流諸國	五十餘年		
其父憂念	四方推求	求之既疲	頓止一城
造立舍宅	五欲自娛	其家巨富	多諸金銀
碑磔瑪瑙	真珠琉璃	象馬牛羊	輦輿車乘
田業僮僕	人民眾多	出入息利	乃遍他國
商估賈人	無處不有	千萬億眾	圍繞恭敬

常為王者 之所愛念 群臣豪族 皆共宗重
以諸緣故 往來者眾 豪富如是 有大力勢
而年朽邁 益憂念子 夙夜惟念 死時將至
癡子捨我 五十餘年 庫藏諸物 當如之何
爾時窮子 求索衣食 從邑至邑 從國至國
或有所得 或無所得 飢餓羸瘦 體生瘡癬
漸次經歷 到父住城 傭賃展轉 遂至父舍

子二、頌父子相見

爾時長者 於其門內 施大寶帳 處師子座
眷屬圍繞 諸人侍衛 或有計算 金銀寶物
出內財產 注記券疏 窮子見父 豪貴尊嚴
謂是國王 若國王等 驚怖自怪 何故至此
覆自念言 我若久住 或見逼迫 強驅使作
思惟是已 馳走而去 借問貧里 欲往傭作
長者是時 在師子座 遙見其子 默而識之

子三、頌追誘僱作

即敕使者	追捉將來	窮子驚喚	迷悶蹙地
是人執我	必當見殺	何用衣食	使我至此
長者知子	愚癡狹劣	不信我言	不信是父
即以方便	更遣餘人	眇目矧陋	無威德者
汝可語之	云當相顧	除諸糞穢	倍與汝價
窮子聞之	歡喜隨來	為除糞穢	淨諸房舍
長者於牖	常見其子	念子愚劣	樂為鄙事
於是長者	著弊垢衣	執除糞器	往到子所
方便附近	語令勤作	既益汝價	並塗足油
飲食充足	薦席厚煖	如是苦言	汝當勤作
又以軟語	若如我子		

子四、頌領付家業

長者有智	漸令入出	經二十年	執作家事
示其金銀	真珠玻瓈	諸物出入	皆使令知

猶處門外	止宿草庵	自念貧事	我無此物
父知子心	漸已廣大	欲與財物	即聚親族
國王大臣	剎利居士	於此大眾	說是我子
捨我他行	經五十歲	自見子來	已二十年
昔於某城	而失是子	周行求索	遂來至此
凡我所有	舍宅人民	悉以付之	恣其所用
子念昔貧	志意下劣	今於父所	大獲珍寶
並及舍宅	一切財物	甚大歡喜	得未曾有

癸二、頌合法_(分二)

子一、頌合相失相見並追誘

佛亦如是	知我樂小	未曾說言	汝等作佛
而說我等	得諸無漏	成就小乘	聲聞弟子

子二、頌合領付家業心歡喜(分二)

丑一、合領家業(分二)

寅一、合受命領知

佛敕我等	說最上道	修習此者	當得成佛
我承佛教	為大菩薩	以諸因緣	種種譬喻
若干言辭	說無上道	諸佛子等	從我聞法
日夜思惟	精勤修習	是時諸佛	即授其記
汝於來世	當得作佛	一切諸佛	秘藏之法
但為菩薩	演其實事	而不為我	說斯真要

寅二、合心無希取

如彼窮子	得近其父	雖知諸物	心不希取
我等雖說	佛法寶藏	自無志願	亦復如是
我等內滅	自謂為足	唯了此事	更無餘事
我等若聞	淨佛國土	教化眾生	都無欣樂
所以者何	一切諸法	皆悉空寂	無生無滅
無大無小	無漏無為	如是思惟	不生喜樂

我等長夜 於佛智慧 無貪無著 無復志願
而自於法 謂是究竟 我等長夜 修習空法
得脫三界 苦惱之患 住最後身 有餘涅槃
佛所教化 得道不虛 則為已得 報佛之恩
我等雖為 諸佛子等 說菩薩法 以求佛道
而於是法 永無願樂 導師見捨 觀我心故
初不勸進 說有實利

丑二、合付家財(分二)

寅一、合付家財

如富長者 知子志劣 以方便力 柔伏其心
然後乃付 一切財物 佛亦如是 現稀有事
知樂小者 以方便力 調伏其心 乃教大智

寅二、合心歡喜

我等今日 得未曾有 非先所望 而今自得

如彼窮子	得無量寶	世尊我今	得道得果
於無漏法	得清淨眼	我等長夜	持佛淨戒
始於今日	得其果報	法王法中	久修梵行
今得無漏	無上大果	我等今者	真是聲聞
以佛道聲	令一切聞	我等今者	真阿羅漢
於諸世間	天人魔梵	普於其中	應受供養

辛二、歎佛深恩 (分三)

壬一、歎佛大恩莫能報

世尊大恩	以稀有事	憐愍教化	利益我等
無量億劫	誰能報者	手足供給	頭頂禮敬
一切供養	皆不能報	若以頂戴	兩肩荷負
於恆沙劫	盡心恭敬	又以美膳	無量寶衣
及諸臥具	種種湯藥	牛頭栴檀	及諸珍寶
以起塔廟	寶衣布地	如斯等事	以用供養
於恆沙劫	亦不能報		

壬二、歎佛實智不思議

諸佛稀有	無量無邊	不可思議	大神通力
無漏無為	諸法之王	能為下劣	忍於斯事
取相凡夫	隨宜為說		

壬三、歎佛權智得自在

諸佛於法	得最自在	知諸眾生	種種欲樂
及其志力	隨所堪任	以無量喻	而為說法
隨諸眾生	宿世善根	又知成熟	未成熟者
種種籌量	分別知己	於一乘道	隨宜說三

妙法蓮華經 卷三

藥草喻品第五



己三、如來述成(分二)

庚一、略述成

爾時，世尊告摩訶迦葉及諸大弟子：善哉！善哉！迦葉善說如來真實功德。誠如所言，如來復有無量無邊阿僧祇功德；汝等若於無量億劫，說不能盡。

庚二、廣述成(分二)

辛一、長行(分二)

壬一、正明權實不可思議(分三)

癸一、法說

迦葉當知！如來是諸法之王，若有所說，皆不虛也。於一切法，以智方便而演說之；其所說法，皆悉到於一切智地。如來觀知一切諸法之所歸趣，亦知一切眾生深心所行通達無礙；又於諸法究盡明了，示諸眾生一切智慧。

癸二、立喻(分二)

子一、明無差而差喻即實而權

迦葉！譬如三千大千世界，山川谿谷土地，所生卉木叢林及諸藥草，種類若干，名色各異。

密雲彌布，遍覆三千大千世界，一時等澍，其澤普洽卉木叢林及諸藥草；小根小莖、小枝小葉，中根中莖、中枝中葉，大根大莖、大枝大葉，諸樹大小，隨上中下各有所受；一雲所雨，稱其種性而得生長華果敷實。

子二、明差而無差喻即權而實

雖一地所生，一雨所潤，而諸草木各有差別。

癸三、合法(分二)

子一、合無差而差

迦葉當知！如來亦復如是！出現於世，如大雲起，以大音聲，普遍世界天、人、阿修羅，如彼大雲遍覆三千大千國土。於大眾中，而唱是言：我是如來、應供、正遍知、明行足、善逝、世間解、無上士、調御

丈夫、天人師、佛、世尊。未度者令度，未解者令解，未安者令安，未涅槃者令得涅槃，今世後世，如實知之。我是一切知者、一切見者、知道者、開道者、說道者，汝等天人阿修羅眾皆應到此，為聽法故。

爾時，無數千萬億種眾生，來至佛所而聽法。

如來於時，觀是眾生諸根利鈍、精進懈怠，隨其所堪，而為說法；種種無量，皆令歡喜，快得善利。是諸眾生聞是法已，現世安隱，後生善處，以道受樂，亦得聞法。既聞法已，離諸障礙，於諸法中，任力所能，漸得入道。

如彼大雲，雨於一切卉木叢林及諸藥草，如其種性，具足蒙潤，各得生長。

子二、合差而無差

如來說法，一相一味，所謂解脫相、離相、滅相，究竟至於一切種智。

其有眾生，聞如來法，若持讀誦，如說修行，所得功德，不自覺知。所以者何？唯有如來，知此眾生種相體性，念何事、思何事、修何事。

，云何念、云何思、云何修，以何法念、以何法思、以何法修，以何法得何法。眾生住於種種之地，唯有如來如實見之，明了無礙；如彼卉木叢林諸藥草等，而不自知上中下性。

如來知是一相一味之法，所謂解脫相、離相、滅相，究竟涅槃，常寂滅相，終歸於空。佛知是已，觀眾生心欲而將護之，是故不即為說一切種智。

壬二、結歎述成

汝等迦葉，甚為稀有，能知如來隨宜說法，能信能受。所以者何？諸佛世尊隨宜說法，難解難知。

辛二、重頌 (分三)

壬一、頌法說

爾時，世尊欲重宣此義，而說偈言：

破有法王 出現世間 隨眾生欲 種種說法
如來尊重 智慧深遠 久默斯要 不務速說

有智若聞 則能信解 無智疑悔 則為永失
是故迦葉 隨力為說 以種種緣 令得正見

壬二、頌立喻(分二)

癸一、頌無差而差

迦葉當知	譬如大雲	起於世間	遍覆一切
慧雲含潤	電光晃曜	雷聲遠震	令眾悅豫
日光揜蔽	地上清涼	鬘鬚垂布	如可承攬
其雨普等	四方俱下	流澍無量	率土充洽
山川險谷	幽邃所生	卉木藥草	大小諸樹
百穀苗稼	甘蔗葡萄	雨之所潤	無不豐足
乾地普洽	藥木並茂	其雲所出	一味之水
草木叢林	隨分受潤		
一切諸樹	上中下等	稱其大小	各得生長
根莖枝葉	華果光色	一雨所及	皆得鮮澤

癸二、頌差而無差

如其體相 性分大小 所潤是一 而各滋茂

壬三、頌合法(分二)

癸一、頌合無差而差(分三)

子一、頌合能潤

佛亦如是	出現於世	譬如大雲	普覆一切
既出於世	為諸眾生	分別演說	諸法之實
大聖世尊	於諸天人	一切眾中	而宣是言
我為如來	兩足之尊	出於世間	猶如大雲
充潤一切	枯槁眾生	皆令離苦	得安隱樂
世間之樂	及涅槃樂	諸天人眾	一心善聽
皆應到此	覲無上尊		
我為世尊	無能及者	安隱眾生	故現於世
為大眾說	甘露淨法	其法一味	解脫涅槃
以一妙音	演暢斯義	常為大乘	而作因緣

子二、頌合能生所生

我觀一切	普皆平等	無有彼此	愛憎之心
我無貪著	亦無限礙	恆為一切	平等說法
如為一人	眾多亦然	常演說法	曾無他事
去來坐立	終不疲厭	充足世間	如雨普潤

子三、頌合能潤所潤 (分二)

丑一、頌合能潤

貴賤上下	持戒毀戒	威儀具足	及不具足
正見邪見	利根鈍根	等雨法雨	而無懈倦

丑二、頌合所潤 (分二)

寅一、頌歡喜善利現世安隱

一切眾生	聞我法者	隨力所受	住於諸地
或處人天	轉輪聖王	釋梵諸王	是小藥草
知無漏法	能得涅槃	起六神通	及得三明
獨處山林	常行禪定	得緣覺證	是中藥草

求世尊處	我當作佛	行精進定	是上藥草
又諸佛子	專心佛道	常行慈悲	自知作佛
決定無疑	是名小樹	安住神通	轉不退輪
度無量億	百千眾生	如是菩薩	名為大樹
佛平等說	如一味雨	隨眾生性	所受不同
如彼草木	所稟各異	佛以此喻	方便開示
種種言辭	演說一法	於佛智慧	如海一滴

寅二、頌後生善處乃至漸得入道

我雨法雨	充滿世間	一味之法	隨力修行
如彼叢林	藥草諸樹	隨其大小	漸增茂好
諸佛之法	常以一味	令諸世間	普得具足
漸次修行	皆得道果		
聲聞緣覺	處於山林	住最後身	聞法得果
是名藥草	各得增長		
若諸菩薩	智慧堅固	了達三界	求最上乘

是名小樹 而得增長
復有住禪 得神通力 聞諸法空 心大歡喜
放無數光 度諸眾生 是名大樹 而得增長

癸二、頌合差而無差

如是迦葉 佛所說法 譬如大雲 以一味雨
潤於人華 各得成實 迦葉當知 以諸因緣
種種譬喻 開示佛道 是我方便 諸佛亦然
今為汝等 說最實事 諸聲聞眾 皆非滅度
汝等所行 是菩薩道 漸漸修學 悉當成佛

願以此功德
莊嚴佛淨土
上報四重恩
下濟三塗苦
若有見聞者
悉發菩提心
盡此一報身
同生極樂國

《妙法蓮華經》

敬輯者：淨土教觀學苑
導師 釋淨界

倡 印：淨土教觀學苑

會址：台北市館前路6號11樓之6 電話：0983-993033

台北流通處電話：02-2567-7822

護持學苑弘法及法寶流通帳號

國內郵局電匯 郵局代碼：700 帳號：22767067

戶名：社團法人台灣淨土教觀學苑學會

國際電匯

台灣銀行 南投分行 戶名：淨土教觀學苑 帳號：032-007-156495

Bank Name: Nantou Branch, Bank of Taiwan

Swift Code：BKTWTWTP032

Account Name：Pureland Teaching Buddhist Foundation

Account No.：032-007-156495

供養^上淨^下界法師帳號

合作金庫銀行竹山分行戶名：丘崇禧 帳號：0251-765-215423

Bank Name: Jhushan Branch, Taiwan Cooperative Bank

Swift Code：TACBTWTP022

Account Name：Chiu, Chung-Hsi

Account No.：0251-765-215423

持戒為本
淨土為歸



觀心為要
善友為依